

RAWNGBÄWLNA CHANCHIN



SOUTHERN-ASIA DIVISION

2017

Kuartar 3-na

A chhûng thû

Resources & Informations 3 - 8

CENTRAL INDIA

- | | | | |
|---|---------------------------------|---------|----|
| 1 | India Rama Training Center Thar | July 1 | 9 |
| 2 | Nupui Velh Hmang, Then 1-na | July 8 | 12 |
| 3 | Nupui Velh Hmang, Then 2-na | July 15 | 16 |

WESTERN INDIA

- | | | | |
|---|-------------------------------|----------|----|
| 4 | Lalber Duhsakna Dawng | July 22 | 19 |
| 5 | Pastor Palî leh Zirlai Palîte | July 29 | 23 |
| 6 | Ṭawngṭai Zâra Tuichhunchhuah | August 5 | 27 |

NORTH-EASTERN INDIA

- | | | | |
|---|--------------------------------|-----------|----|
| 7 | “Evangelist Nih Ka Duh” | August 12 | 30 |
| 8 | Sabbath Vângá Tawrhna | August 19 | 34 |
| 9 | Thingtlângin Adventist An Pawm | August 26 | 38 |

SOUTHERN INDIA

- | | | | |
|----|-------------------------------|--------------|----|
| 10 | Chhûngkaw Hlim leh Nuâm | September 2 | 41 |
| 11 | Bo leh Chhar | September 9 | 45 |
| 12 | Pa Léncheh Takin Isua A Tawng | September 16 | 48 |
| 13 | Chona leh Dinchanna | September 23 | 51 |
| 14 | Thirteenth Sabbath Program | September 30 | 55 |

Cover: Snehali hi Alate Adventist Sikul zirlai a ni.

Published and edited quarterly in Mizo by Malsawma Tochwawng, Director, Sabbath School & Personal Ministries Department, Mizo Conference of Seventh-day Adventists, Box-097, Aizawl, Mizoram, INDIA- 796001, on behalf of General Conference of Seventh-day Adventists. Printed by Lalhmangaiha at Remnant Press, Aizawl. Copy – 480.

RESOURCES & INFORMATIONS

Sabbath School Hruaitu duh takte,

Tûn kuartar chhûng hian kan chênna bial, Southern Asia Division kan bawh dâwn a, hê division hian hêng ram: Bhutan, India, Nepal, bâkah Maldives thliarkâr pawh a huâm. Rawngbâwlna Chanchin kan ngaihthlâk tûrte pawh hi India ram chhûnga thil thlengte a ni ber dâwn a ni.

Chonate

Southern Asia Division huâm chhûngah hian mihring tlûklehdingâwn 1.3 (billion) chuâng deuh an awm a, chutah chuan Seventh-day Adventist maktaduaih 1.6 (million) kan awm a, chumi awmzia chu a ram mihring 870 zêla member pakhat awm ang kan ni. Hetianga ðhan chakna hi kum 20 kal ta chhûng khân a thleng nasâ a, kum 1995 kha chuan member 200,000 pawh kan tling lo.

Hetianga nasa taka ðhanna lo thleng lungphûm chu kum 100 chuâng mah kal taa hmun hrang hranga Adventist sikulte din a lo nih tawh vâng a ni ber. Hêng Adventist sikul hrang hrangah hian Adventist ni vê kher lo zirlai sâng tam tak an lo lût a, chûngah chuan India rama ðawng lâk tak, English an zir thei a. Mahse English chauh zir lo vin, Bible an zir bâkah, thil pawimawh tak tak zirin, nî tin leh kêr tina an neih ðhin Pathian chibai bûk inkhâwmahte pawh an tel vê zêl a. Chûng zirlai zînga tam tak chuan ina an hâwn leh hmâin baptisma an chang zui a. Chang vê nghâl lote pawh hian Adventist sikula an luh chhûnga zirtîrna leh kaihhruaina an dawn kha an rilrûah intuh nghetin, Kristian thilte ngaihhlutna an nei a, engtik hunah emaw chuan baptisma an chang ngê ðhîn a ni.

Tûnlai hian, Adventist sikulte hi zirna leh zirlai naupangte enkawl kawngah hian an hming ðha riâu mai a.

Sikula luhtîr sên loh dîlna hi an dawng reng a ni. Kan zirna sikul neih sâte kan tihlen a, a tharte kan hawn belh bawk pheï chuan, zir lai tam zâwkten anmahni hmangaihtu Isuâ hmangaihna an hriat theihna tûr kawng chu zâu taka hawn a ni dâwn a ni.

Southern Asia Division chhûnga kohhran a ðan zêl lai hian, ram pum huapa hetiang lama inkaihhruaina leh thawktûte inzirna tûr hmunpui neih hi a ðul khawp mai. Chutiang mamawh phuhrûk nân chuan India ram lailî khawpui pakhat, Ibrahimpatnam [EE-brah-heem-PAHT-nahm] -ah training center tûr atân in sak bul ðan a ni tawh a. Hei hi sak puitlin a nih hunah chuan pastor te, Global Mission Pioneer te, leh mimir thawktu tam takte tân training inpêk theih a ni ang a, an rawngbâwlsakte tân danglamna nasa tak a thleng thei dâwn a ni. Hê training center-ah hian zir laite chênna (dormitory) leh chaw-eina hmun (cafeteria) a awm ang a, zirna sênso vêl pawh nasa takin a tlahniam thei ang. Chûng bâkah chuan, ram puma kohhran hruaitûte tân conference neih nân kum tluana hman theih a ni bawk dâwn a ni.

Special Features

Rawngbâwlna Chanchin (mission quarterlies, English) hi tûnah chuan Facebook lamah en theih a ni ta bawk a, lo en a, lo ‘like’ ðhîn tûrin kan inbeisei bawk a ni e.

Mission Spotlight video-te pawh hi lo hmang ðangkai tûrin kan inrâwn a, heta ðang hian khawvêl hmun hrang hranga ramthim rawngbâwlna report hmuh theih a nih bâkah, kan thawhlawmte lo dawngtu tûrte chungchângah pawh bengvâr nân a ða hlê bawk. You can sign up to receive an e-mail that includes descriptions of each video and links to download or view the videos online. Sign up at MissionSpotlight.org/subscribe.

Tân kuartar Thirteenth Sabbath Thawhlawm hmang hian hêng hi tihpuitlin beisei a ni:

- ⌚ Central India-a Telengana khuua division huap inkhâwm leh training neihna tûr training center din;
- ⌚ Nagaland rama hmeichhe hostel (girls' dormitory) sak te;
- ⌚ India chhim lam, Tamil Nadu State-a James Memorial Higher Secondary School-a girls' dormitory (hostel) sak te;
- ⌚ India chhim tâwp lam, Kerala state-a Vellarada Adventist High School classroom block sak; leh
- ⌚ India khawtlang lam, Maharastra state-a Alate Adventist High School classroom block sakte a ni.

Lâwmthu Sawina

Kum 2014 kuartar 2-naa Southern Asia Division tâna in Thirteenth Sabbath Thawhlawm hmang khân Bhutan rama meeting hall sak a ni a, Bhutan ramri hrûla training center tharah hian Bhutan ram ațanga India rama lo lût lay worker-te chu training pêk an ni. Ringtharte puala biak in leh naupangte tâna Sabbath sikul class neihna tûrte pawh sak a ni bawk. Bhutan mîte zînga hnâ thawh a nih theihna tûra in thawhlawm thawh chungah khân lâwmthû kan sawi mawlh mawlh a ni e!



Bhutan ramrî vêla thawktûte

Ṭangkaipui Theih Tûr

Tûn kuartar chhûnga Southern Asia Division chhûnga kan ram bawhte chungchânga bengvâr nân leh, Sabbath Sikul program hrang hrang khawi lai emawa hman ṭangkai theih tûr thil chi hrang hrang chu a hnuaiia website târlanahte hian luh chilh theih a ni:

Indian government website: bit.ly/IndiaGovtFacts

CIA's India Facts: bit.ly/IndiaCIA

Wikitravel: bit.ly/wikiIndia

Lonely Planet: bit.ly/PlanetIndia

Wikipedia: bit.ly/WikipediaIndia

Ducksters: bit.ly/DuckstersIndia

Religions of India

bit.ly/IndiaReligions

Seventh-day Adventist

Southern Asia Division: sud.adventist.org

EDITORIAL

Editor Andrew

McChesney

Editorial Assistant

Charlotte Ishkanian

Layout Editor

Emily Harding

Contributing writers

Dhormo Kamei, Manohar Karnad, Hidayat
Masih, Jienpui Panmei, Jose Prakash, G.
Nageshwar Rao

OFFICE OF ADVENTIST MISSION

Director

Gary Krause

Communication Director

Rick Kajiura

Study Centers Director

Homer Trecartin

COMMUNICATION STAFF

Editor, Mission Andrew McChesney

Projects Manager

Laurie Falvo

Video Producer

Ricky Oliveras

Video Producer

Earley Simon

Website: www.AdventistMission.org

Mission (ISSN 0190-4108) is produced and copyrighted © 2017 by the Office of Adventist Mission, General Conference of Seventh-day Adventists®, 12501 Old Columbia Pike, Silver Spring, MD 20904, U.S.A.

Third Quarter 2017

Volume 106, Number 3

ADVENTIST® and SEVENTH-DAY ADVENTIST® are the registered trademarks of the General Conference of Seventh-day Adventists®.

Permission is granted to reproduce material from this quarterly for use in local Sabbath Schools and children's ministries programs. Permission to reproduce any portion of this material for sale, publication in another periodical, or other commercial use must be authorized in writing by the editor at the above address.

For subscription inquiries, e-mail Veronica Cenicerros at Veronica.Ceniceros@pacificpress.com or call 1-800-447-7377 or 1-208-465-2560. Annual subscription rates per edition: domestic, US\$7.50; international, US\$14.50.

Southern Asia Division Statistics

UNION	Kohhran Compani		Member	Population
East-Central India	2,611	1,466	982,909	139,100,000
Northeast India	195	316	47,741	49,391,000
Northern India	464	1,450	176,733	763,643,000
South-Central India	252	216	76,475	69,000,000
Southeast India	451	810	126,840	80,472,000
Southwest India	236	91	36,974	36,779,000
Western India	257	482	116,992	190,073,000
Attached Fields*	38	118	10,227	29,615,000
TOTAL	4,504	4,949	1,574,941	1,358,973,000

Statistics as of December 2016

*Includes Andaman and Nicobar Island Region, East Himalayan Field (Bhutan), and Nepal.

Ruâhman Lâwkna: Kum 2017 kuartar 4-naah chuan Euro-Asia Division kan bawh ang a, thil tihpuitlin tûr (Projects) zîngah chuan hêngte hi a tel ang:

- Moldova ram, Rezina hmuna Multipurpose retreat building sak,
- Tajikistan ram, Dushanbe khuaa naupang leh ðhalai tâna Sports program hmanga rawngbâwlina hmun din,
- Kyrgyzstan ram, Tokmok khuaa Heritage Christian School-a Multipurpose sports complex din,
- Russia ram, Rostov-on-Don khuaa Serve and Shine Outreach Center din,
- Russia ram khawchhak tâwp, Vladivostok khuaa Gospel Harbor Outreach Center of Influence din,
- Children's Project: Kazakhstan rama Children's Preschool Center din.

SABBATH 1-NA

JULY 1, 2017

INDIA RAMA TRAINING CENTER THAR

EAST CENTRAL INDIA

VARA PRASAD JACOB

INDIA ram laili lamah Seventh-day Adventist Kohhran tâna training leh conference center chenfâkawm tak ni tûr chu tûnah hian sak òan mêk a ni tawh a.

Hê building chhâwng thuma sak tûr hi zawh a nih hun chuan kohhran hruaitûte tân training leh program pawimawh dang dang han huaihawt pawh a awlsam hlê tawh ang a. Zirlaite tân pawh an pâwnlam thiante inkhâwma sâwm vê pawh a theih tawh dâwn a ni.



Hê center hi tûn kuartar Thirteenth Sabbath Special Project Fund dawngtu tûr panga zînga pakhat a ni.

Hê center hming pum chu Pioneer Memorial Discipleship Training Center a ni. Kum zâ vêl kal taa ram thim rawngbâwl kawnga Central India lama sûlsutute rawngbâwl na hming châwia sak a ni. Chûng rawnbâwltûte chu United States emaw Europe emaw atanga lo kal pawh an ni lo. India ram Adventist hmasâte an ni zâwk a. Tûnlaia Central India lama Adventist hnâ atâna lungphûm lo phûmtûte an ni.

Pioneer Memorial Discipleship Training Center-ah hian auditorium lian tâwk tak a awm ang a, seminar room te, chaw ei hona (cafeteria), leh guestroom te pawh a awm ang. South Andhra Section-a Adventist Kohhran compound chhûngah a awm ang a. Southern Asia Division chhûnga kohhran member zawng zawngte tâna pan khâwm remchâng tak training center a ni bawh ang.

South Andhra Section President, Vara Prasad Jacob, phei chu hê training center lo awm tûr avâng hian a phûr hlê tawh a. Amâ sawi dân chuan, “Southern Asia Division chhôngah hian training neihna hmun leh hmanruâ kan nei lo tawp mai a. College leh sikul hrang hrangte chu kan nei nuâl a, mahse training center hi chu kan nei lo va, kan mamawh tak a ni,” tih a ni.

Mí 1,000 thut theihna tûr auditorium a awm ang a, chûng bâkah chuan mikhual thlenna tûr guestroom te, chawi ei hona tûr (cafeteria) pawh a awm bawk ang. Kan tûn dinhmunah hi chuan training han neih châng pawhin kan member-te hotel-ah insêngso nasa taka an thlen a ngai zêl a, chuta tâng chuan inkhâwmna hmun a hrana pan a la ngai bawk thîn a, sênsô pawh a hâutak phah hlê thîn a ni.

Hê center chhâwng khatna leh chhâwng hnihna sakna tûr hi chu mimal thilphal deuh maiin min tumsak a. Chutiang a nih avâng chuan tûn kuartar chhông ngêi hian sak zawh hman kan inbeisei. A chhâwng thumna tûr, mikhual thlenna leh center awmna tûr tak hi tûn kuartar Thirteenth Sabbath Thawhlawm thenkhat hmang hian sak theih beisei a ni.

Training center sakna tûr atâna sênsô zât tûr chu India pawisain Chêng maktaduaih sawmngâ [US\$730,000] vêl a ni ang.

Kohhran hruaitûte chuan hê hmun hi chutiang atâna duhthusâm hmun niin an sawi a. South Andhra Section compound hi acres 60 vêla zâu niin, a vêla chêngte pawh hi Kristiante nêna inkûngkaihna tha tak nei an ni. Chûng mîte zîngah chuan beihpui thlâknate pawh neih a ni tih kohhran hotûte chuan an sawi a. India ram hmun dangte ngaihtuah chuan rawngbâwl harsat lohna bial a ni.

Khawpui lian aţanga motora dârkâr khat vêla tlân thlen mai theih, bus te, rêl te leh thlawhtheihna hmang pawha pan theih a ni bawk.

Hê hmun hi kum tluana training neih theih tûrin hruaitûte chuan an ruâhman a ni.

Zirlaite Tâna Hlâwkna Tûr

Hê hmuna zirlaite hlei hlei hi hetiang training center neih kawnga a phûr phûrte an ni. Kan sikulah hian zirlai 700 an âwm a, a tam zâwkte chu Adventist zirlaite an ni, an zâ hian inkhâwmnaa tel an châk a, mahse tûna an inkhâwmnaah hian zirlai 250 emaw chauh an leng rih sî a ni. Zirlai dang 250 emawte chuan cafeteria lamah Pathian biak inkhâwm an neih a ngai a. Hê training sak zawh a nih hunah chuan a hu hovin an nei tlâng thei tawh ang. Hêng zirlaite hian biak in lian zâwkah chuan an pawns lam thiante pawh inkhâwmpuia sâwm theih an beisei thû an sawi hlawm bawk a ni.

Râwlthar kum 16 mî, John-a chu pâwl 10 zirlai a ni a, “Inkhâwm ho hlân hi kan nghâkhlel hlê a ni,” tiin a sawi. Ani hi Adventist pawh a ni ngai lo va, mahse sikula a lo luh atangin Pathian leh Sabbath chungchângte a zir vê ta a. Tûnah chuan a zirlai thian 450-te nêh hostel-ah an chêng ho mêk a ni.

Sikul chawlh chhûnga ina an hâwn lain, John-a chuan a pâ hnênah sikula an thil zirte chu a hrilh chhâwng a. Pâwl riat a zir kumin a pa chuan baptisma a chang a, a kum lehah ani pawhin a chang vê leh ta bawk a.

John-a chauh hi zirlai zînga training center-a inkhâwm châk a ni bik lo. Nula kum 17 mi, Vînutna-i [vee-NOOT-nah] pawhin zâi a ngaina hlê a. A sawi dân chuan tûna an inkhâwmna biak in hi a têt êm avangin an zâipâwl hruaitu chuan Sabbath-a zai tûr hian zirlai 35 chauh a thlang thîn a, tel vê châk dangte tân pawh hmun a awm tawh lo. Mahse zirlaite hi Training Center-a an inkhâwm ho theih hunah chuan mi tam zâwkin Pathian ropui nân fakna hlâ an sa thei tawh dâwn a ni. “Inkhâwmna tûr hmun an sa mêk tih ka hriatin ka lâwm êm êm a. Zai-pâwl lian zâwk neiin, nasa leh-zualin Sabbath nîte hian Pathian kan fak thei tawh dâwn a ni,” tiin nghâkhlel takin a sawi a ni.

Khawngaih takin in ʈawngʈainaah Pioneer Memorial Discipleship Training Center hi lo hre reng ula, thawhlawm pawh phal takin in thawh ngei kan beisei.

Bengvârna Thû

- India hi khawvêla ram zâu pasarihna niin, United States hmun thumamun khat ang vêla zâu a ni. Mihring tam lamah erawh chuan China dawttu niin tlûklehdingâwn 1.3 vêl an awm.
- India rama hian khawpui lian 10,000 chuang awmin chûng zînga khawpui 50-ah chuan mihring maktaduaih khat chuâng an chêng a, chuti chung chuan khawpui satliah leh thingtlâng khaw 600,000 chuang maha chêng mihring an la ʈahnem hlê.
- India hi economy lamah a ʈang chak hlê chungin, mi tam tak chu mi rethei tih hnuai lama chêng an la ni tho. India rama chêng a zahvê vêl zet hi ziak leh chhiar thiam lo niin, ei-chhiat natna pawh an la tuâr nasa hlê a ni.

* * *

SABBATH 2-NA

JULY 8, 2017

NUPUI VELH HMANG, ʈhen 1

EAST CENTRAL INDIA

CHADAMLA, 42

TÛK KHAT chu Chadamla (chah-DAHM-lah) chu an khuaa Seventh-day Adventist biak in kawtawh hian a ding chawih mai a. Ani hian taxi ke pathum nei khalhin sum pawh a hlawh ʈha phian ʈhîn a, mahse tânah chuan a nun khua a nuam vak lo. An nûpâ chu inti tâurâuin, an inʈhen loh chauh a ni mai a. Vawi eng emaw zât chu a nupui hi sawisâin, chutiang tih chu a chîng tlat mai sî a ni.

Biak in chhûnga pastor thusawi rî chu a hria a, ngaithla tûrin a'n ding deuh vang vang a. Pastor chuan an Sabbath sikul class-ah Jakoba chanchin kha a lo hrih mêt a. Vân tawng hiala sâng leilâwn a hmuh a vântirhkoh chhuk leh chho insûl zut zut te, Jakoba pawhin Pathian malsâwmna a dawn aʈanga sâwmapakhat rinawm taka pêk a tiâm thûte pawh a hre ta zêl a.

Sabbath Sikul class an zawh hnû chuan Chadamla chu biak in chhûngah a lût vê ta chauh a. Pastor hnênah chuan a thawnthu sawi kha khawi aţanga a hriat nge tih a zâwt a. Pastor chuan Sabbath sikul zirlai leh Bible chu a pe ta nghâl a. Chadamla chuan pastor hnênah chuan lâwmthû sawiin, in lamah a hâwng leh ta a ni.



Chadamla Harsatna Tawh

Chu mi ni chawhnu lamah chuan Chadamla chuan biak ina a thil hriat kha a ngaihtuah zui vang vang a. A nupui tâna pasal nurâwn tak a nih dânte chu a inngaihtuah ta zêl a.

Hetianga a nupui chung a kut thlâk a chîn hi thla thum emaw kal taa Chadamla kum 22 mîin nupuiah nula kum 18 mi a neih aţang khân a inţan tawh a. Anni nûpa hi Hindu chhûngkuua seilian an ni a. Chadamla hming hi an Hindu thli pathian hmingchâwia sak a ni a. A nupui pawh hi an pathiannû hming châwia sak a ni bawk.

An inneih hmâ pawhin, Chadamla nupui chuan thlarauten an mi thlan a ni tih a inhre tawh sâ rêng a. An sâkhaw puithûna thil an hman chhûng hi chuan chûng thlaraute chu a kawchhûngah lûtin, an thunun tlat a, mahnî taksa thunun theihna pawh nei lo vin, a lâm a, a silhfênte chu a pawthlêr mai thîn a ni. An khuua chêngte chuan anmahni ina thlarau biakna vêla tel tûrin an sâwm thîn a. Chutianga thlarau zâwla a awm laite chuan a hnên aţangin thurâwn an dawng a, thû an sawitîr thîn a ni.

Ani hi Hindu chu a ni tho nân, Chadamla chuan chutianga thlarau biakna thila a nupui a inhmang chu a ngaithei lo hlê thung a. A bîkin chutianga thlarau biakna

inkhâwm an neih an khâr dân chu a ngaithei lo zual a; chutiang in chhuah sana an sâkhaw biakna hmun an panna kawngahte hian nasa taka bâwrâwin a lâm zui ðhîn a. An tum hmun an va thlen chuan arpa emaw kêl emaw a hlân a. Inthâwina ran a buaipui vêlna lamah a silhfên leh hmâi hmêlte chu thisen a kêi niâu nuâu a. Chutiang an tih hnû chuan rilru pângngai pûin in lamah a lo hâwng leh ta ðhîn a ni.

Chadamla chuan, “Chutianga sâkhaw biakna thil kalpui chu ka ngaithei lo. Ka nupui ngêiin ramhuai thlarau a zâwl pawh chu ka duh hek lo. Chuvâng chuan ka nupui chu ânkhumín, ka sawisa a, kal leh tawh ngai lo tûrin ka ti ðhîn a ni,” tiin a sawi.

Ramhuai Thiltihtheihna

A nupui a sawisak hnû hian a rilrû hi a nuâm lo thei hlê ðhîn a, mahse ti lo thei niin a inhre bawk sî lo. A nupui chhûnga thawk ramhuai thiltihtheihna tho chu a nupui a sawisak ðhinnaa lo lang chhuak chu niin a hre ta tlat mai a.

“Ka nupui sawisa tûra keimah min cho thinrim vêltu kha ramhuai thlarau tho niin ka hria a, mahse eng emaw chen Bible ka chhiar vê tâk hnû hi chuan, chutiang thlarau bâwrâw tak chu Setana aţang chhuak a ni tih ka hre ta a ni,” tiin Chadamla chuan a sawi.

A nupui a sawisak laite chuan a nupui chuan luhlul tak hmêlpu chung a lo melh râng chungin, “Tû nge maw nia min hriat a, hetiang a min sawisak hi le?” tiin a lo chhâng lêt a. Eng emaw châng chuan a nû leh pête hnên lamahte a tlân hâwnsan a, Chadamla thinur reh hunte a nghâk mai ðhîn a. Mahse lam pawh ngai hran lo vin mahniin a lo hâwng vê mai mai a, an sâkhaw biakna thiltih vêl chu a sim phal chuâng rêng rêng lo. An sâkhaw biakna an neih chhûngin tum hnih lai nâu a chhiat a ni.

Chutiang a thlen hnû lawk chuan a nia Chadamla kha Adventist biak in bula a lo kal kha ni. Pastor-in Jakoba chanchin a lo sawi lai kha a hria a, hriat belh zêl a châk ta a. Chadamla khân eng ang takin nge a nun a inher danglam dâwn a hre lâwk bîk hauh lo.

Tûn kuartar Thirteenth Sabbath Thawhlawm thenkhat hi hmangin Chadamla-te chênna ațanga KM 30 vêl leka hlâah conference leh training center lian tham tak sak a ni dâwn a. Hei hi hetiang ang training center Southern Asia Division chhûnga a pakhatna tûr a ni ang. Hê center hi tuâlchhûng mîte leh Division pum pui tân hmun țangakai tak a ni dâwn a, chuvângin in țawngțaina leh thawhlawm thawh kawngah pawh hê project hi lo hre vê reng ang che u.

[Kâr leha chhunzawm leh tûr]

Bengvârna Thû

- India ramah hian mihring tlûklehdingâwn 1.3 lai an chêng a, chutah chuan Adventist Kohhran member chu maktaduaih 1.6 vêl an ni. A ram mihring 870-a Adventist member pakhat awm zêl ang kan ni.
- Southern Asia Division chhûnga member pun chakna hi kum 25 kal ta chhûnga thleng niin, chû chu Adventist sikul leh mimir țahnemngaihna rah a ni ber.
- Southern Asia Division hian Division huapa inkhâwpui leh training ilo han neihna tûr hmun a la nei lo va, chuvâng chuan insênso nasa takin khawi hmun hmunah emawte neih a ni mai thîn a ni.
- Tûn kuartar Thirteenth Sabbath Thawhlawm thenkhat hmang hian Southern Asia Division pum pui training leh conference neih dawng zo tûr center din a ni dâwn a ni.

CHADAMLA nupui chu thlarau biak inkhâwmah chuan a tel fo thîn a, thlarau zâwl nih pawh a inphal reng tho va. Chadamla thung chuan a nupuiin thlarau a zâwl chu a ngaimawh vau thîn a chutiang chuang lo êm a, a thû thunun nih thinrimin a hnû hi leh viau lawi a, mahse chutiang hunah chuan a inthunun zo ngang sî lo.



êm êm a, ti tawh lo tûrin a ni. Mahse a nupui chuan hmuna kal chu a sim tih a hriatin a thinrim êm a pawisa lo va thlarau a inphal avâng chuan sawisâ a. A sawisak hrep chuan a inhhîrin, pawia ti

Tichuan, Sabbath ni khat chu an in kianga Seventh-day Adventist biak in kiangah a kal a, a chhûnga Jakoba chungchâng an sawi rî chu a hre ta a ni. A ding a, minit eng emawti chhûng a ngaithla ta vang vang a. Program a zawh chuan biak in chhûngah chuan a lût vê ta râwih a. Jakoba chanchin sawitu chu tu nge tih a zâwt a. A va hmuh tâkah chuan, chû kohhran te tak tê enkawltu pastor a ni tihte a hre ta zêl a.

Chadamla chuan pastor hnênah pawns lamah a thuchah sawi kha a lo ngaithlâ a, hriat belh zêl a chhâk a ni tih a hrih a. Pastor chuan an kohhranin an hman lai Sabbath sikul zirlai bû leh Bible chu a pe a.

Min Hrih Zêl Rawh

Ni rei vak lo chhûngin Chadamla chuan zirlai bû chu a chhiar chhuak thuai a. Bible châng târlante pawh chu a

chhiar zêl bawk a. Biak in lamah chuan lo kal lehin, “Hê zirlai leh Bible-in a târlan in Pathian chanchin hi min hrilh zêl teh u,” tiin a ngên a.

Pastor chuan chutianga Pathian chanchin hrilh chu a châk zâwng tak a nih thû a hrilh a, an pahnih chuan Bible zirna an nei dûn ta a ni.

Bible zirna an neih dun chhông chuan, Chadamla chuan *1 Korin 3:16-a* “In taksa chu Pathian tempul in ni tih leh, Pathian Thlarau chu nangmahniâh A chêng tih in hre lo em ni?” tih chu a man fuh ta riâu mai a.

Chû thû chu chîk takin a ngaihtuah vang vang a, ‘*Kan taksâ hi Pathian tempul a nih sî chuan, tûmahin tihnat tûr a ni lo tihna a nih chu. Ka nupui chung a kut ka thlâk a nih chuan, Pathian tempul chu ka ti khaw lo tihna a nih dâwn chu!*’ tiin a ngaihtuah ta zêl a.

A nupui chung a kut thlâk chu a dik lo tawp mai tih a manthiam ta a ni.

Nun Thar, Hming Thar

A hnû thla eng emawtiah chuan a wawi khat nân a rawn inkhâwm a, baptisma a chang zui bawk a. A hming chu Samuela tiin a thlâk a.

Samuela chuan a nupui hnênah Pastor nêna Bible a zir dun thû te hrilhin, ani pawh chu tel vê tûrin a sâwm a. A tîrah chuan a hreh deuh a, mahse a pasal nuna danglamna a hmuh tâkah chuan a rilrû a lo nêh vê tiâl tiâl a. Thlarau biakna hmuna kal a, thlarau zâwl a nih chângin a pasal khân a vîn hrep tshîn kha a ni a, mahse tûnah chuan a inngaitlâwmin, a chungah a ngilnei ta viau mai sî a. Kut thlâk pawh a chîng ta lo. Bible a chhiar a hmuhte pawhin a lungmuângin, a Pathian thar hnênah chuan a tawngtai tshîn a ni tihte a hmû a. Amâ thinlung pawh chu a lo nêh chho zêl a, Bible zirna lamah pawh a pasal chu a zui vê ta a ni.

Bible zirhona zârah, a nupui pawh a lo hmin vê tiâl tiâl a, thlarau zâwl nih pawh dikin a hre thei ta lo va. Pathian hriatna a lo nei a, tânah chuan ramhuai biak inkhâwmna hmuna kal zêl pawh a duh ta lo. Chutiang hmuna kal a duh loh tâkah chuan, an mî leh sâte chuan ânchhiate an lawh a. Mahse thlarau zâwl nih âi chuan Pathian a hriatna lamah chuan nghet takin a ding ta zâwk a ni.

Chhûngkaw Lungruâl

Samuelan baptisma a chan ațanga kum hnihah chuan, a nupui pawhin a chang vê ta a. Anî pawhin a hming chu thlâkin Ruthi tih hming a pu ta a ni.

Ni khat chu Samuela chuan pastorin Bible worker tûr mî an mamawh thû a sawi chu a hria a. A rilrû a khawih hlê mai a, a hna pângngai taxi driver âiah Bible worker nih chu a thlang vê ta a ni. Samuela chuan Bible zirtîrtu nih chu la tling lo hlêa inhriain, nasa lehzuala zir a duh a. Pastor chuan chutiang atân chuan thla li chhûng zirna program-ah a hnim phûm a. Samuela chu Amazing Facts India program-ah chuan a tel a, chutah pastoral training neihnaah pawh a tel ta zêl a.

Tânah hian Samuela chu kum 42 mî niin, a khaw kiang lawka kohhran enkawltu a ni ta a ni. A nupui hian ținum hnih lai nâu chhiat vângin ramhuai zâwlah khân a ținang ta kha a ni a, tânah erawh chuan fapa duhawm tak pahnih, kum 10 leh kum riat mî an nei ta a ni.

Samuela hian taima takin Sabbath sikul zir lai bû hi an chênna vêlah a sem ținin a. Chutiang zârah chuan amah ang khân tû emaw te chuan Isua an la pawm vê ngêi a beisei a ni.

Tûn kuarter Thirteenth Sabbath Thawhlawm ținkhat hmang hian Samuela leh Ruthi-te chênna ațanga mêl 20 leka hlâah training center changlung tak din a ni dâwn a,

chû chu Division pum puia chutiang training center awm chhun a ni dâwn a ni. He center hi sak zawh a nih hunah chuan tuâl chhông mîte tân leh India ram leh Division pum pui tân pawh a ẵngkai hlê ang. Thawhlawm in thawh lai hian hê project hi in lo hre vê reng thîn dâwn nia.

Bengvârna Thû

- India ramah hian member kan pun chak êm vângin kohhran enkawl leh viltu tûr pastor leh lay worker te, naupang leh hmeichhiate tâna specialized ministries te, stewardship training, lay evangelism leh thil dang tam tak neih belh zêl a ngai hlê a ni.
- Pioneer Memorial Training Center thar hian Southern Asia Division pum pui tân chutiang mamawhna nasa tak chu a phuhrûk thei dâwn a ni.
- Hê training center hi neih a nih hunah chuan training neih nân bâkah a remchân hunah chuan a kiang hnaia boarding sikul leh conference-te chuan ẵngkai takin an hmang thei bawk dâwn a ni.

SABBATH 4-NA

JULY 22, 2017

LALBER DUHSAKNA DAWNG

WESTERN INDIA

MANOHAR KARNAD

India khawthlang lama Seventh-day Adventist sikul hi misonarite hmathlîr neih leh lal ngilneihna zâra ding an ni.

TÛNAH hian Alate Seventh-day Adventist Sikul chuan khawvêl Ipuma Adventist member-te ngilneihna zâr zo duhin an ẵnggâi mêk a. Tûn kuartar Thirteenth Sabbath Thawhlawm hmanga class-room sak theih ngêi an beisei a ni.

Alate Seventh-day Adventist School principal, Manohar Karnad sawi dânin, an sikul hian kum 1960



chho vêla harsatna an neih kha an la hmachhawn zui zêl a, chhuân hnih a lo liam tâkah phei chuan an sikul leh hmunhmâte hi a ʈing viau tawh a ni.

Pu Karnad-a chuan, “Hmunhmâ neih ʈat loh chuan zirlai a neih tam theih loh a. Zirlai neih loh phei chuan sikul a neih theih loh a ni leh mai. Chuvâng chuan hetiang harsatna hi chu sut kian ngêi a ngai a ni,” tiin an dinhmun a sawi a.

An sikul hian ram acres 17 laia zâu an nei nân, an kiang vêlah sikul ʈa tak tak a awm a, anni hmun erawh hi chu hmun khaw ro tak a ni. Sikul dang pakhat chu ram acre 150 laia zâu tâng ram hmun hring dupah a awm thung a.

Pu Karnad sawi zêl dânin, hêng lai vêla sikul thar, changkâng tak tak lo dingte vâng hian inelna a sângin Adventist sikul tân pawh thil a harsat phah nasa hlê a ni. Chutih laiin hê sikul hian sikul dangte neih vê loh thil ʈâ eng emaw a nei tlat mai thung a, chû chu education standard sâng hi a ni. “Kan zirna hian sikul naupangte chu mi dangte rawngbâwlsakna nei tûrin a chher chhuak a, thiamna ngawr ngawr kan zirtîr vê lo,” tiin a sawi.

He sikulah hian zirlai 260 an lût a, mahni zirna sênso tûr nei lo chhôngkuate pawh nasa takin a chhawmdâwl ʈîn a ni.

Inṭhianna Hlâwkpuiawm

Adventist Kohhran hian kum 1920 daih tawh khân hêng lai rama rorêltu, Lal Shahu hnên aṭangin ram an lo nei tawh a. An neih theih dân pawh American missionary S.O. Martin nêan an inṭhian ʈat vâng a ni. Ni khat chu Lal Shahu chuan missionary hnênah, “Ka hnên aṭang hian enge duh i neih?” tiin a zâwt phawng mai a. Missionary chuan ram zâu vak lo neih a duh ʈûin a chhâng a. Lal Shahu chuan a bân phar

chhuak meuhin, “I mamawh ang zât zât chu sât thla vê mai rawh,” tiin a hrilh ta a ni.

Lal chuan thil pakhat ngiat lêt a nei vê thung a, chủ chu: Missionary chuan damdâwi inentîrna leh sikul chủ ram chhôngah chuan a hawng vê thung tûr a ni.

Damdawi inentîrna hmun chu an đin a, kum 1981 thleng khân a đing a. Kum 1943 khân sikul chu đin a ni a, kum 1960 khân khâr a ni leh ta a. Sikul khâr a nih tâk avâng chuan Adventist hnâ pawhin a tuâr hlê a ni.

Principal chuan, “Mahse, Pathian ãanpuina zârah kum 1981 khân sikul chu kan hawng leh ta a, kan la chhunzawm ta zêl a ni,” tiin a sawi.

Tûnah hian sikul campus chhôngah chuan building panga chu a la đing vê a. Pu Karnada leh a nupui chu missionary inah chuan an chêng a. Chủ in ãhen lai chu hun ping hrangin hmeichhe naupang hostel atân an hmanh a. Mipa naupangte erawh chu campus sir leh lama hostelah an chêng thung a.

Zirlai zawng zawngte hi ni khatah dârkâr hnih tal hnâ thawk ãheuh tûra beisei an ni a. ãhenkhat chu chulai thingtlâng khuah huanah te an thawk a, ãhenkhat chuan cafeteria lamah ei siam hnâ leh thlêng sil vêlte an thawk bawk a. Chutianga kut hnâ an thawh zârah chuan an zirna sênso eng emaw zât a lo tum vê a, chutiang chuan lehkha thiamna bâkah kut hnathawh lamah thiamna an nei tel bawk a ni.

Pu Karnada sawi dân chuan hê sikul hian class-room thar 14 an mamawh a ni.

Hê zikul zirlai zâa sawmthum vêl chu Adventist an ni a. Zirlai dang, chutiang zât vêl bawk chu Kristian pâwl dang a ãanga lo kal an ni bawk a, a dangte erawh chu sâkhaw pâwl dang mî an ni.



Principal chuan *Adventist Mission* thawktûte chu an campus chhûng a fanpui a. A office tual an thlen chuan, “Hêng lai bial vêla Pathian hna thawh kal mêk lo hretu mi ða tak takte chu kan lo nghâk mêk a ni,” tiin khawvêl hmun hrang hranga ringtu ûnate ngilneihna chu an lo nghâk tih thû a sawi a.

Khawngaih takin, Sabbath sikul thawhlawmte in thawh laiin, Alate sikul hi lo hre vê reng ang che u.

Bengvârna Thû

- Alate Seventh-day Adventist Sikul hi India khawthlang lam, Maharastra state-a awm a ni.
- Zirlaite hi nî tin dârkar hnih tal hnâ thawh tûra beisei an ni a, chutiang hnathawh program ða tak zârah chuan zirlaiten mawhpurhna bâkah kut themthiam chenin an inzir a, hei hi hê sikul hmingthan vêna pawh a ni.
- Class-room thar 14 sak tûra ruâhman a ni a, chûng sakna tûr sênsô chu tun kuartar Thirteenth Sabbath thawhlawm hian a tum dâwn a ni.

* * *

SABBATH 5-NA

JULY 29, 2017

PASTOR 4 LEH ZIRLAI 4-TE

WESTERN INDIA

SIYON, SNEHAL, DAVID, ABHISHEK

*Seventh-day Adventist pastor-te hian Adventist sikulte tân
tangkaina an nei em?*

ADVENTIST pastor-te hi lo awm ta lo se chuan, India rama
Zirlai sâng tam takte hi chu Adventist sikulah an lût kher
lo vang. An zînga palî chu biang biakna i nei teh ang u.

Siyon

Siyon [SY-awn] hian kum 10 mi a nih
laiin Adventist pastor a hmû a. Pastor chuan
kâr tin hian an chhûngkua chu rawn tlawhin,
a nû leh pête chu Bible zirna a neihpui tîn
a. Pastor chuan a nû leh pête chu
tawngtaisakna neiin a hâwnsan leh a. Chuta
tanga rei vak lo vah chuan kohhran dang pastor chuan a
rawn tlawh vê ta thung a. Ani pawh chuan Bible chhiar a,
tawngtaina a neihpui tho bawk a.



Chutiang chuan hun eng emawti chen chu a kal a. A
tâwpah, Siyon-a nû leh pête chuan ni sarihna Sabbath serh
tûrin thutlûkna an siam ta a ni. Mahse vânduaitlâk takin
harsatna an tâwk ta hlah mai: “Tûin nge thutlûkna kan
siam hi pastor-te hnênah hrilh ta ang” tiin an rilrû a buai
hlê mai a.

A nû leh pête chuan thil hrang hrang chinfel tûr an nei
nual mai a, mahse Siyon-a chu khawi sikulah nge an luhâr
ang tih lamah chuan harsatna eng mah an nei lo thung. An
chênna atanga minit sawmlî vêl thang ngai tûrah chuan
Adventist sikul a awm tih thû pastor sawi kha an hre reng

a. Nû leh pête chuan an fapa chu chû sikula kâi tûra a thawmhnâwte insiam fel tûrin an hrilh a.

Siyon-an sikul a rawn thlen hmasak ber ÷um chuan a lungngâi rilru khawp mai a, sikulah chuan hmêlhriat pakhat mah a nei sî lo, a khuâ a har hlê a. Mahse Sâptawng zir tûrin ngawrh takin a bei a, tichuan ÷hian tharte pawh a chhar ta zêl a. Tûnah chuan Sâptawng pawh a nâl fû tawh a, inkhâwmnaa hla hruaitu nih pawh nuam a tihzâwng tak a ni ta zêl a, Sabbath sikulahte pawh kaihruaitu a ni ta zêl a.

Chhûngkhat lainâ leh ÷hiante chuan Siyon-a hmasâwn leh lo danglam tâkzia chu an hmû a. Chawlh hmanga a lo hâwn pawin an inah inkhâwm chilhin, ÷awngtai inkhâwm kaihruai tûrin an ngên a. Anni pawh hian an fâte chu a kalna sikula luhtîr vê an duh a, ÷henkhat chuan an luhtîr ta rêng a ni. An zînga panga chu tûnah hian an la lût mêk a, chutianga an fâte an luhtîr vêna chhan chu Siyon-a nuna hmasâwnna duhawm an hmuh vâng a ni.

Siyon-a hi India khawthlang lam Alate [ah-LAH-teh] sikula lût zirlai 260 zînga pakhat a ni a. Tûn kuartar Thirteenth Sabbath Thawhlawm ÷henkhat hi hê sikul classroom thar sak nân leh a hlui thawm ÷hat nân a kal dâwn a ni. Chutiang a nih hunah chan sikul naupang tam zâwk an lo lût thei ang a, luhna chang lo Adventist leh pâwn lam naupang tam takin a ham÷hatna an têt thei dâwn a ni.

Snehal-i leh David-a

Snehal-i [SNEH-hall] pawh hi Alate Adventist Sikul zirlai tleirâwl kum 15 mî a ni a, hê sikulah hian kum 5 emaw lai a lût tawh a ni. Sabbath sikul leh Pathian chibaibûk inkhâwm dang pawh hruaitu phûr tak mai a ni a. Amâ chanchin hetiangin a sawi, “Hê sikul ka luhtirh a÷angin Bible ka



chhiar ðîn a, chuta ðang chuan kohhran hi ka tuipui a. Hê hmuna awm hi nuâm ka tiin ka hlim hlê a ni,” tiin.

Kum sâwmpakhat mi, David-a pawh pastorin a sawi hmuhna zârah hê sikulah hian a lo lût a. An chanchin hetiangin a sawi, “Ka pa chu leirawhchan siam ðîn a ni a, mahse kâr eng emawti chhông chu hna thawh tûr mûmal a hmu lo va, chaw ei tûr pawh kan nei mûmal ta lo mai a. Chutih lai tak chuan mi khual pakhat hi a lo lêng a, Kristian lehkha sem chî a pê a. Ka pa chuan chû lehkha chu chîk takin a chhiar ta a ni.



“Chuta ðanga rei vak lo vah chuan mî tûte emaw nalh tak maia inchei, in sakna tûr hmun zawng hi ka pa chuan a hmû a. Hna thawh tûr an neih beiseiin ka pa chuan a va be hlawm a. An zînga pakhat phei chu a hmêlhriat a lo ni hlah mai lehngâl a. A hmâa kan ina lehkha chhiar tûr rawn semtupa kha a ni. Intipachangin ka pa chuan chû pâ lehkhasem chungchângte chu a va sawipui a. Zawhnate pawh a zawh belh ta zêl a. Chû pa chuan Adventist pastor a nih thûte hrilhin, Bible zirna neihpuahte a lo sâwm ta zêl a.

“Ka pa nên chuan Bible zirna chu an nei ta a, baptisma chante a dîl ta bawk a. Kâr lohah kan chhôngkua chuan kan zawm ta dial a. Tûnah hian Alate Sikulah chuan pâwl ngâ ka zir mêk a. Hê hmunah hian Isuâ chanchin leh nakina ka la awm vêna tûr hmun chanchinte ka zir theih avângin nuam ka ti hlê a ni,” tiin a sawi.

Abhishek-a

Abhisheka [Ah-BIH-sheck] nû chuan a fapa Adventist sikula a han lût vê mai hi chu thilmak thleng ni berin a hria a ni.



Khawkhêng vângin an chhûngkua chuan chhiat an tâwk a ni ber a. Amah leh an chhûngkua chu lungngai takin inah an tawm khâwm a, thil han ngaihtuah ngaihna pawh an hre tawh chuâng lo. Chutih lai tak chuan Adventist pastor hian an kawngkâ a rawn kik a, an chhûngkaw tâna ÷awngtaisakna neih a duh thû a rawn sawi ta mai a ni.

Anni chhûngkua hi Kristian pawh an ni vê lo va, chuvâng chuan Abhishek-a nû chuan pastor ÷awngtai chu remti lo vin a lo hnar a. Mahse ni dangah pawh pastor chu a lo kal leh ÷hîn a, a tâwpah chuan an chhûngkaw tâna ÷awngtaisakna neih chu an phalsak ta a ni.

Tûnah hian Abhishek-a nû pawhin chutianga pastorin a rawn tlawh chu Thlarau Thianghlim hruaina niin a ring vê ta a. An chhûngkuain eitûr an neih theih nân pastor chuan remruatna a neihsak a. Nakin hnûah chuan Bible zirpuina neiin, Adventist kohhran a zawm vê ta a ni. Abhishek-a pawh sikul lûtin, kum hnih chhûng pheih chu scholarship a dawng a ni.

A nu chuan, “Hê sikula ka fapain zirna a neih hi ka duhthusâm a ni a. Ani hian kan ÷henawm vêlah pawh hûhâng a nei ÷ha riau mai a. A rinawmin ngil a nei a, chuvâng chuan ÷henawm vêla chêngte pawhin sikul leh Sabbath hi an ngaihven ÷ha riau a ni,” tiin a sawi.

Adventist sikul vêlah hian hetiang chanchin ngaihnawm hi a tam hlê mai a, boruak hi a duhawm viau a ni. In ÷awngtaina leh thawhlawm lamah pawh Alate sikul hi lo hre vê reng ang che u. Adventist pastor, hetiang mi ÷angkai takte pawh hi lo hre tel hrâm ang che u.

Bengvârna Thû

- Alate Seventh-day Adventist Sikul hi India khawthlang lamah kum 1943 khân din a ni a. Kum eng emawti chhûng khâr a nih hnûin, kum 1981 khân hawn thar leh a ni.

- Tûnlai hian zirlai 260 an awm a, chûng zînga 35 chu hostel-ah an chêng a ni. Sikul hi tihlen leh tihchangtlun a nih chuan zirlai tam zâwk an lo lût thei dâwn a ni.
- Tûnah hian class-room thar 14 sak ruâhman a ni a, chutiang sakna tûr sum chu tûn kuartar Thirteenth Sabbath thawhlawm hian a tumsak dâwn a ni.

SABBATH 6-NA

AUGUST 5, 2017

ṬAWNGṬAI ZÂRA TUICHHUNCHHUAH

WESTERN INDIA

SUNITA HEGDE

LONEITÛ nupui Sunita-i [soo-NEE-tah], hian Pathian biak inkhâwm hi nuam a tihzâwng tak a ni a, mahse a pasal Kristian pawh ni vê lo chu tihthinrim a hlauh avângin a duh angin a inkhâwm ngai lo va. Chuvang chuan Sabbath nî pawh hi mahnî in lamah a rûkin a hmang mai ṭhîn a ni. Chutichung chuan ṭawngṭai ṭul riauva a hriat châng hi chuan biak in lam chu a pan vê tho va. Ni kum mai khân Sunita-i chu biak inah kalin tuichhunchhuah dîlin a ṭawngṭai a.



Sunita-i hi Sunday serhtu pâwla seilian a ni a, mahse pasal a neih chinah chuan inkhâwmna lam hi a hawi ta meuh lo va. Chutichung chuan, Bible chhiar erawh a thlah chuang lo va; chik taka Bible a zir vêna aṭangin Adventist kohhran hi a âwn vê ta tlat mai a ni.

Thilmak Thleng Tûra Dîlin

An chhûngkaw eizawna ber lo neih lamah harsatna an tâwk a. Khawkhêng vêl vângin an tui tlan ber tuichhunchhuah pahnih chu a kang a. An leileta hman tûr

tui an mamawh êm êm chu an nei thei sî lo. Tangka suma han lei tûrin pawisa khâwl pawh an nei bawk sî lo a ni.

Sunita-i pasal chuan tui an neih theih nân tiin an leilet vêlah chuan Hindu sâkhaw puithûna thil tih a duh a. Chutianga tih chiah chu tui neih theih dân tûr kawng awm chhunah a ngai bawk. Mahse Sunita-i chuan chutianga Hindu sâkhaw puithûna thil tih chu a duh lo tlat a. An harsatna chinfelna kawng awm chhun chu Pathian hnêna tawngtai a ni tiin a hrilh a.

Tichuan, Sunita-i chu biak inah kalin thilmak thlentîr tûrin Pathian hnênah a ngên a. Tui zawnga lei an verh thar lai ngêia tui hmuhchhuahtîr thuai tûrin a dîl a. Tui zawnga hmun tam taka lei verhtîrna tûr sum pawh anni nûpa hian an nei lo a ni.

Pastor leh kohhran member dangte chuan Sunita-i chu an tawngtaipei a. Sunita-i rinawmna leh Sabbath a ngainatna chungah pawh lâwmthû an sawi a, chuvâng chuan tui an hmuh ngêi theihna tûrin tshahnemngai takin an dîlpei a ni.

A tûkah chuan lei verhtûte chu an leiletah chuan an lo kal a. Pastor leh kohhran member-te pawh an lo thleng ta bawk a. Hetah hian tawngtaina hlan leh an duh a ni. A tûate mah chuan khawi lai tak chu nge verh tshâ ang tih an hre lo. Sunita-ite chuan lei chu feet 150-a thûk verh theihna tûr chiah sum an nei a ni.

Kohhran member-te chuan verhna tûra tshâ tûra an ngaih hmunte chu an han en kual vêl a. Pastor chu tawngtaiin, “LALPA, helai hmun hi malsâwm la, I fâten an mamawh phuhrûksak thei tûr khawpa tam tui han pê ang che,” tiin a dîl a. Tichuan lei verhtûte chuan hnâ chu an tan ta a ni.

THUMP. THUMP. THUMP. Feet 50 a’n verh a, eng mah la awm lo.

THUMP. THUMP. THUMP. Feet 100 a'n verh leh a, eng mah la awm chuang lo.

THUMP. THUMP. THUMP. Feet 150 a'n verh leh a, titâwp rihin, Sunita-i hnênah chuan a kal a. "Feet 150-a thûk ka verh tawh a, verh zêl tûra min duh a nih chuan pawisa min pêk belh a ngai ang," tiin a hrilh a.

Kohhran member-te chuan ÷awngtaina an hlân leh a. Chutah lei verhtu chu tlêma verh belh leh tûrin an ngên a. Ani chuan hreh tak chungin a'n verh chhonzawm leh a. Rei lo têah tui chu a lo luâng chhuak ta mai a ni!

Sunita-i pawh chu hlim takin a nui var var mai a, "Ka va lâwmin, ka va hlim tak êm! Rinna nê kan ÷awngtai a, kan dîlnate chu Pathianin min chhânsak ta a nih hi! Mal min sâwm nasa hlê mai," a ti chhuak vê hial a.

Tûn thleng hian chû tuichhunchhuah tui chu an la ring zui ta zêl a, tui thianghlim hman sên loh an nei a ni. ÷henawm vêla chêngte chuan chutiang thil thleng chu mak an ti bâng thei lo. Sunita-i hnênah chuan, "In rethei hlê sî a, engati nge hetiang malsâwmna in dawn nasat viau sî lê?" tiin an zâwt a.

Sunita-i chuan, "Pathian chuan Amah châwimâwitûte chu A châwimâwi vê a nih hi," a ti awlsam mai a.

Sunita-i rinawmna chu Pathianin mal A sâwm a; khata chin kha chu tui thianghlim an tlachham ngai ta lo. Pathian hi kan châwimâwi a nih phawt chuan, kan nunna atâna ÷ul apiang hi min pe zêl mai ÷hîn a ni.

Sunita-ite in aţanga hla vak lovah hian Alate Adventist sikul chu a awm a. Tûn kuartar Thirteenth Sabbath Thawhlawm ÷henkhat hmang hian class-room 14 lai sak a ni dâwn a. Chutiang a nih hunah chuan heta zirlai naupang tam zâwkte chuan Pathian chu ÷awngtaina chhângtu A nihzia an la zir vê thei dâwn a ni. Sunita-i leh Alate Sikul hi in ÷awngtaina leh thilpêkah lo hre vê reng ang che u.

Bengvârna Thû

- India rama Adventist an lo luh tih aţang khân sikul hi kohhran ţhan zêl nân a pawimawh êm êm a. Adventist nû leh pête fâte hnêna zirtîrna pêk bâkah, hêng sikulahte hian pawns lam mîte fâte chu an lo lût a, Sâptawng leh thiamna hlu tak chu an zir chhuak ţhîn a ni.
- Hetianga Adventist sikula lo lût thahnem tham tak hian baptisma an chang kum tin a. Baptisma chang vê nghâl kher lote pawhin rinna kawngah zirlai pawimawh tak chu an zir chhuak tho ţhîn a ni.
- Tûn kuartar Thirteenth Sabbath Thawhlawm hian hostel pahnih sakna tûr leh class-room sakna tûrte a tumsak dawns a; zirlai tam zawk lo lûtin Pathian hmangaihna thuchahte an hre thei dawns a ni.

SABBATH 7-NA

AUGUST 12, 2017

“EVANGELIST NIH KA DUH”

NORTHEAST INDIA

GHUKATO YEPTHO, 16

KUM 16-mî Ghukato [goo-KAH-toh] hi, northeast Indiaa zirlai pakhat, tirhko hna thawh châk tak mai a ni a. Mahse mi dangte hnêna Isuâ hmanngaihna thû hrilh tûra a zirlai han zir zawh chu a nghâk hman lo a ni.



Ghukato chuan remchânna a hmuh ang ang chu a zirlai pui, Adventist la ni vê lote hnêna Isuâ lo kal lehnaa beiseina a neih chungchâng chu a hrilh ţhîn a.

Tlêma lo tuipui deuhthe pheih chu Bible zirpuina a nei zui a. Amâ insawi dânin, kum 13-mî a niha baptisma a chan aţang khân Isuâ chanchin mîte hnêna sawi hi a bânсан ngai lo. Hlim hmêlpu tak chungin, “Rawngbawltu (evangelist) nih ka châk ber,” tiin a sawi ţhîn a ni.

Naupang Eng Chhitu

Ghukato-a nû leh pête chu Adventist Kohhranin beihpui an thlâknaa an inkhâwm vêna ațangin kohhran an zawm a, chutih lai chuan ani chu kum 9-mî a ni. Amah leh a ûnaupa, amah âia kum 2-a naupang nêh chuan Nagaland rama Adventist sikul, K-12 thingtlâng kil khâwr taka awmah chuan an lût vê thîn a. Chû sikulah chuan zirlai naupang 204 an awm a, a tam zâwk chu Adventist ni lo Kristian pâwl dang chhôngkuua mîte an ni.

Ghukato-a chuan an sikula thlarau lam nun châwm thei tûr program neih hi nuam a ti thei hlê a. A bîkin zînglam sikul țin dâwna hlasak leh ținngtaia, Bible chhiar vêl hi nuam a ti zual a.

An zirtirtute chuan Ghukato-an a remchâng apianga a zirlai puite home-work a tihpui leh an hnêna a rinna thû a hrilh thînte chu țin an ti hlê mai a. Zirtirtu pakhat phei chuan, “Taima taka a inkhâwm țin bâkah, a ținian Adventist la ni vê lote hi inkhâwm tûrin a sâwm a, tam tak chu a rawn inkhâwm pui țin a ni,” tiin a sawi.

Ghukato-a chuan a rinna thû a ținante hnêna sawi chu a remchâng reng lêm lo tih a hria a. Nû leh pête thenkhatte phei chuan campus chhônga Sabbath nîa an fâte an rawn inkhâwm chu an duh lo va. Mahse chuti chung chuan inkhâwm tûr chuan a sâwm zui zêl tho a ni.

Eng emaw chângte phei chuan an lo hnar a, mahse ani chuan, “Tûnah remchâng rih lo pawh ni ula, in remchâng hun dangah in la rawn inkhâwm dâwn nia,” ti talin a thlah zêl a. Chutianga zâu taka mî a sâwm țin zârah chuan a ținante zînga eng emaw zât chu rawn inkhâwmin, pakhat phei chuan baptisma a chang tawh a ni. Amâ sawi dânin, “Bible zirna ka neihpui a, mahse a nû leh pête a baptisma chan chu an khap tlat rih sî a ni,” tiin beiseina a neih thû a sawi.

Ṭhian dang pakhat pawh a inkhâwm avângin harsatna a tâwk a. A nû leh pâten a inkhâwm tih an hriat chhuahin inkhâwm tawh lo tûrin an khap bet ta tlat a ni.

Mi Dangte Ṭanpuiin

Chutiangin inkhap bawh mah se Ghukato-a chu a beidawng vê mai chuâng lo. Ṭhian kawm tûr dang a zawng zêl a, sikula lût vê lêm lo, pâwn lam mîte pawh a kâwm zêl a. An khuua supermarket hmuna thawktu pakhat Albert-a nêh ṭhianah an inchhar a. An ṭhian dîn chaun Adventist leh Sabbath chungchângte an títî dîn a. Albert-a chuan a buai êm vânga a inkhâwm vê hman loh thûin a chhâng a, mahse a ṭhian pain a pêk *Adventist World* magazine erawh chu lâwm takin a dawng tho a ni.

Ghukato-an hetiang a Pathian hmangaihna a neih hi an inchhûng khur aṭanga a dawn a ni a, chuvâng chuan mahnî in chhûng hi thupui berah a nei zui reng a. A nû chu bawrhshâwmnain a tlâk buak a, in chhûng khawsak leh biak in tihfâi vêl pawh a ti hleithei ta lo va. Chûng zawng zawng chu ani chuan tihsakin, a nû chu a awm nawm thlenga mu hahchâwl tûrin a hrih a.

Sikul Zauh Nâna Ṭanpuiin

Sikul mamawh ber chu enge ni tih zawhna chu, Ghukato-a chuan zirlaite hian an chênna tûr hostel an mamawh thûin a chhâng nghâl vat a, chû chu dik pawh a dik viau rêng a ni. Tûn thlengin an sikul chu chhûna kalna chauh a la ni reng a. Mahse hostel neih a nih hunah erawh chuan, zirlai tam zâwk an lo lût thei dawn a ni. Tûn kuartar Thirteenth Sabbath Thawhlawm hmang hian zirlai hmeichhiate chênna tûr hostel chu sak a ni dawn a. Zirlai mipa naupangte chênna tûr sak nân pawh sikul hotûte hian sum an tuâk mêk a ni.

Ghukato-a sawi dânin zirlai hmeichhia leh mipate tâna hostel neih chu thil pawimawh tak a ni a, a chhan chu heta lo lût duh tam tak tân awm chilh dân loh chuan an lo lût phâk lo a ni.

Ghukato-a chuan Isuâ lo kal leh tâwk tûra lo inpeih hi a thupui ber a ni. A Bible châng ngainat tak pakhat chu *Matthaia 24:42* thû: “Chutichuan, ngaihven rawh u, eng hunah nge in LALPA chu a lo kal dân in hre sî lo va,” tih hi a ni.

Khawngaih takin in ÷awng÷ainahte Nagaland Seventh-day Adventist Sikul hi lo hre reng ula, Thirteenth Sabbath Thawhlawm pawh phal takin in thawh bawk dân nia.

Bengvârna Thû

- Adventist education h Southern Asia Division chhûnga rawngbâwl hmalâk nân a pawimawh hlê mai a. Kohhran a lo din tîrh a÷ang khân thlarau manna hmanraw pawimawh tak a la ni zui zêl a ni. Tuâlchhûng ÷awngte âia Sâp÷awng hman a nih avâng hian hmalam kâwl a êng ÷ha riau mai a, chuvâng chuan mîten min bawhin, baptisma chang pawh kum tin ÷ahnem tham tak an la awm zêl a ni.
- Sâkhuana chuan in chhûng lam pawh a thleng nghâl zêl a. Zirlai tam zâwk hi Adventist ni lo chhûngkua a÷anga lo kal an ni a. Chûng mîte chu ina an hâwn lehin sikula an thil hriat leh zirte an chhûngte hnênah hrih chhâwngin, Adventist chhûngkuaahte an lo luh phah ÷hîn a ni.
- Nagaland Seventh-day Adventist School chu K-12 day school niin, zirlai 204 an nei a. Tûnah hian boarding sikula siam tûra ruâhman mêk a ni. Tûn kuarter Thirteenth Sabbath Thawhlawm hmang hian hmeichhe hostel sak a ni ang a, sikul sum hmangin mipa hostel pawh sak tum a ni bawk.

SABBATH VÂNGA TAWRHNA

NORTHEAST INDIA

*Panmeichung Panmei, 75,
leh a nupui, Makukhonna 75*

SEVENTH-DAY Adventist chhûngkaw parukte chu tihlum tûr te, pulis man leh tihduhdah tûra vauna kârah pawh Pathian chungah rinawm takin an awm a. Chutiang zârah chuan chû khuua chêng zâa 30 zette chu Adventist Kohhran member an nih pah ta a ni.



An chanchin lo inñan dân chu hetiang hi a ni: Kum 1966-a helna lo chhuak vânga an chênna bial vêl ram a lo buai khân, chhûngkaw paruk chuan himna zawngin thingtlâng khaw dang an pan a. Kum lí emaw chhûng chu thil pângngai takin a kal rih a. Mahse an chhûngkuua puitling lamten baptisma changa Adventist Kohhrana inpe tûra thutlûkna an siam chiah khân boruak a lo danglam ta thut mai a ni. Kâr lohah chû khuua chêngte chuan buaina an chawk chhuak nghâl a. Adventist-te chu an rinna bânsan tûrin an ti a, a nih loh leh an khua chu chhuahsan tûrin an vau bawk a.

Chû khuua lo awm sâte chu Kristian kohhran dang mî leh sâte deuh vek an ni a, chuvâng chuan Adventist kohhran lo ding tûr chu an duh lo tlat a. Ringtûte chu an vau va, Adventist Biak in râp maia sakte pawh chu a chhûngah lûtin, a laiah lungthû ni awm tak lung pathum an phun a, hei hi biak ina hman tûr a ni lo, chênna in tûr a ni an ti a.

Chû khuua chêng mi tam tak chuan Adventist-te chu thahah an vau deuh reng a, mahse ringtu mi tlêm tête chu

an rinnaah chuan rinawm takin an dng nghet tlat a. Mahse chutianga vau leh tihthaih pawhin awmzia a nei lo tih an hriat chuan, an khuaa thuneitute chu fuihpawrhin, Adventist-te chu an rinna an bñsan dawn lo a nih chuan an khuu chhuahsan tura thupêk chhuah turin an ti a.

Inmanna

Chumi hnu Sabbath ni chuan pulis tam tham tak lo thawkin, an inkhawm bang chu an inah an lo nghak thup mai a. Pulis-te chuan chulaia mi pathumte chu an man dawn tih an hrih a.

Hmeichhe ho chuan an hlau hle mai a, naupangte pawh an tap tengtung bawk a. Mipa zinga pakhat, Pan-a chuan pulis hñenah, “Man kan nihna turin dan bawhchhiat eng mah kan nei si lo va. Sakhuana thil vanga min tihlum in duh a nih chuan, kan nunna hlau turin kan inring e,” tiin a hrih a.

Pulis hotu pakhat chuan, “Tihlum che u kan duh hlei nem. Mahse he khuaa mite hian heta awm turin hian an duh lo che u a, kan hruai bo mai dawn che u a ni,” a ti a.

Pulis ho chuan Pan-a chu a thianpa Amunang-a nen kutkawh buntirin, mipa la awm chhun pawh chu an buntir a, pulis motor hnungah chuan an khung ta a ni.

Chutianga a pasal chung a thil thleng a hmuh chuan Pan-a nupui chu a pum a na ta tlat mai a. Mahse Isu a thutiam, *Matthia 5:10* thu, “Felna avanga tihduhdah tuartute chu an eng a thawl e, vanram chu an ta a ni si a,” tih kha a hre reng a.

Pulis motor chuan pulis hmunpui lam a pan a, dawkar hnih emaw velah chuan Dimapur khua an thleng a. Pulis station an pan lai chuan Panmeichung-a kutkawh bun chu a inphelh ta mai a, mak pawh a ti hle a ni. A thianpa nena thlun zawm kha a inphelh ta mai si a, ani chuan pulis officer-

te a hmuhtîr a, anni chuan engtin nge a inphelh theih an zâwt a. Ani chuan, “Engtin mah kan ti lo,” tiin a chhâng a. Pulis hotûte chuan kutkawl chu an kalh leh a, pulis station pan chuan an tlân leh ta zêl a.

Adventist mipa pathumte chu an khungna tûr lamah an hruai a, chutah chuan ni hnih chhông an khung a. Thawhtanni chuan pulis-te chuan khaw danga an insawn dâwn phawt chuan chhuahtîr theih an ni ang tih an hrilh a. Adventist mipâte chuan, “Min man chhan pawh min hrilh sî lo va, eng mah thil inzawh fiahna pawh in nei bawk sî lo,” tiin an hnial a. Pulis ho chuan eng mah sawi tûr an nei sî lo va, an chhuahtîr ta tawp mai a ni.

Thlamuâng Taka Hâw

In an thlen chuan, Adventist-te chuan tualchhông thuneitûte hnênah lungâwi loh thû an thlen a. Chû kuaah chuan thlamuang taka awmtîr phalsak tûrin an ngên bawk a. A hnû thla thumah chuan, thuneitûte chuan Adventist-te chu thlamuâng takin an awm thei ang tih an hrilh a, kuaa mîte pawh chu buaina siamsak tawh lo tûrin an ti bawk a.

Hê kuaa lo pêm lût kha Adventist chhôngkaw paruk chauh an ni a, mahse tûnah erawh chuan chhôngkaw 84 laiah an pung chho ta a ni. Chumi awmzia chu chû kuaa chêng mî 1,500 zînga hmun thuma thêna hmun khat lai an tling tihna a ni.

Panmeichung-a chuan eng vânga a kutkawl bun kha inphelh mai nge tih a hrethiam hauh lo. Mahse a hriat chian êm êm chu, mangan hunah pawh Pathian chu a bulah a awm zêl tih hi a ni. Amâ sawi dânin, “Thilmak thleng a ni ber mai, Pathianin min thlahthlam lo vin min awmpui zêl tih chhinchhiahna a ni,” tih a ni.

Tûn kuartar Thirteenth Sabbath Thawhlawm thênkhat hmangin khâng Adventist mi pathumte ni hnih lai an tântîrna

khuahh khân hmeichhe hostel sak a ni dâwn a. Nagaland Adventist Sikul hian zirlaite chênna tûr (hostel) hi a mamawh êm êm a. Hei hi a lo puitlin hunah chuan, zirlai tam zâwk neih theih a nih bâkah, mi tam zâwkten Pathian hmangaihna thû zirin, A chhiahhlawh rinawm tak an lo ni thei dâwn a ni.

(Kâr lehah chhonzawm a ni ang)

Bengvârna Thû

- Nagaland hi India hmâr chhak state zînga pakhat, Myanmar (Burma ramri hrûla awm a ni. Nagaland ram chhûnga chêngte hi hnam hnufuâl (tribal) deuh vek niin, India ram hmun danga chêngte laka danglam bik tak an ni.
- Hê state-ah hian Kristian sâkhua hi pâwl lian ber niin, English hi an ẵwng hman lâr ber a ni bawk. Kristian pâwl danga insawn hi thil tih fo dân chu a ni nân, dodâlna erawh hmachhawn deuh ngêi a ngai thung.
- Nagaland Seventh-day Adventist School hi an state khawpui lian ber, Dimapur-a awm a ni.

* * *

THINGTLÂNGIN ADVENTISTS AN PAWM

NORTHEAST INDIA

Amunang Gonmei, 77

Kâr hmasâ khân Nagaland rama khaw pakhatin Seventh-day Adventist chhúngkaw paruk hnawh chhuah an tum chungchâng kha kan ngaithla tawh a. Tihhlumahte vauin, an biak inte pawh an suâsam sak kha a ni a. Puliste an mantîr bawk a, mahse tân in aṭanga an chhuahtîr leh tâkah khân, hotûte chuan an chungah eng mah ti tawh lo tûrin chû khuaa mîte chu an hrilh a. Mahse chuti mai chu a ni awzâwng lo mai!



ADVENTIST pa pathum man an nih hnû thla eng emawti chhûng chu boruak a sâng chho zui reng a. An khuaa pa zahawm tak pakhatin Adventist-a inpêk a tum phei chuan boruak a sâng lehzual a. Hê khuaa mîte hian chû pâ chuan baptisma a chang a nih ngat chuan an khaah nghawng lian tak a nei ang tih hriain, an hlâuthâwng a. Anni chuan Adventist kohhran chu lo dîng vê pawh ni se, tlêm tê, ngaih mawh tham loh lek an nih chuan pawh an ti vak lo va, mahse an member an pung dâwna hriain, dâl ngêi an tum a. Chutiang a nih avâng chuan Adventist-te chu dâwithiam, mîte chungah thil ṭha lo thlen ṭhîn angin an puh ta a ni.

Ṭhalai ruâl eng emaw zât chu Adventist mi thar inah chuan an lâwn a. Adventist diriâmna leh sawi chhiatna ṭhû eng eng emaw chu an âuruâlpui a. Tichuan in chu thiahsakin, a bula ran in pawh an tichhe bawk a. Chutah a

buh hmun lamah kalin, chuta thlâi awm zawng zawngte pawh chu an suâsam zui leh ta zêl bawk a.

Mak Taka Thihna

Tichuan thil duhawm lo deuh mai a lo thleng ta tlat mai. Chutianga mî thil suâsamsaktu thalai tûte emaw chu an thi tan ta a. Mi dang eng emaw zât chu na takin an dam lo hlawm a. Pa pakhat chu zin kawng a zawh laiin a hnâr a thî chiam bawk a, in thleng hman lo vin a thi zui ta a ni.

Chutianga thil thleng mit ngêia hmutu, an deacon ni bawk, Amunang-a [ah-muh-NANG], chuan, “Khatianga in suâsam leh kohhran hmusit taka nuizattû zawng zawngte kha hun rei lo te chhûngin a chhan mûmal hriat sî lohin an thi fai vek a ni,” tiin a sawi.

Sipai Thupêk

Thil mak danglam tak thleng pakhat chu chûmi kum bawk chuan a lo thleng leh a. Chû khuaa chêngte chuan sipaiin hnatlâng an ngiat tih thû an dawng a. Chutianga sipaite hnâ thawka hnatlân chu chûng lai biala thil tih dân fô thin a ni rêng a. He mi tuma hnatlâng an koh an mamawh nî hi Sabbath nî tak a ni.

Adventist-te chuan chû khaw thuneitûte hnênah chuan Sabbath nîa hnatlâng phût lo tûrin ngenna an siam nghâl vat a. Sabbath nî chu Bible sawi anga nisarihna, Sabbath ni thianghlim a nih avângin eng hnâ mah an thawk thei lo tih an hrih a. Mahse thuneitûte chuan khawngaihna leh lainatna lantîr rêng an tum lo mai. Chutah sipai lam zâwk chuan hna thawhna tûr nî chu Sabbath nî aţanga Sunday-a an thlâk thû an puâng zâwk ta hlah mai a ni.

Chutianga hna thawk tûra an ngiat hun thlâk a ni ta chu khuaa mîte chuan mak an ti êm êm mai a. Thênkhat phei

chuan, “Pathianin Adventist hote ɣawngɣaina A chhânsak a niang,” tiin an inhrilh hlawm a.

Sunday nâ hnatlâng thawhnaah chuan vânduaina a lo thleng leh ta mauh mai. Chû khuua mîte chuan sipai châkkhâi ilo vêl hi luia thiâr kâi a ngai a, chutianga thil thiâra lei an zawh lai chuan lei chu an zawh chim rup mai a. Mi tam takin hliam an tuâr a, mahse hliam tuâr zîngah Adventist mî pakhat mah an tel lo, a himah an ɣang leh hlauh mai a ni.

Chû khuua mîte chuan chû thil pawh chu ha hîpin an sawi leh a. Adventist mîte chu Sabbath nâ hnâ thawhtîr an tum ruh vei nêh khân, anmahni zâwk chuan an Sunday-a an thawh a ngai ta sî a. Pathian hian hêng Adventist-te hi A duhsak riâu a ni tiin an ngaihtuah a. Chûng lai bial vêlah chuan chûng thû chu a thang nasa hlê a, chuvâng chuan Adventist-te chung a diriamna ang chî chu an bânsan ta vek a ni.

Tualchhûng kohhran hruiatûte chuan thihna leh tawrhna hi Pathian thlentîr a nih an rin loh thû an sawi nghâl thuai a. Mahse Pathian chuan Amâ chung a rinawmte chu hualhimin, lâwmman a pe thîn tih erawh chu an sawi a.

Kohhran Thang Zêl

Tûnah chuan chû khuua chêng 1,500 zîngah zâa sawmthum lai chu Adventist Kohhran member an ni ta. An kohhran Upa pawhin chutianga kohhran mî Pathian chung a rinawm tlatte chu Pathian pawhin mal A sâwm a ni tih rinhlelh ruâl a nih loh thû a sawi vê bawk. “Tûnah hian kan kohhran chu a hming ɣha viau mai rêng a. Hê khuua chêngte pawh hian an zah viau mai. Hetianga LALPÂ chung a lâwmna hi lo thleng zêlin, mi dangte tân pawh malsâwmna a nih ngêi ka beisei,” tiin a lâwmthû a sawi a ni.

Hê khua hi Nagaland rama Adventist Sikul awmna aṭanga dârkâr hnih thang leka hlâ a ni a. Tûn kuartar Thirteenth Sabbath Thawhlawm ṭhenkhat hmang hian hmeichhe hostel sak a ni dâwn a ni. Hei hi puitlin a nih hunah chuan hêng lai bial vêla zirlai tam zâwk lo lûtin, Pathian hmangaihna leh thupêkte Chiang zâwka hriain, A malsâwmna chu an chang thei dâwn a ni.

Bengvârna Thû

- Hê khua aṭanga hla lo tê, Nagaland rama khawpui lian ber, Dimapur-ah Adventist School chu a awm a ni.
- Nagaland Adventist sikulah hian Kindergarten aṭanga pâwl 12 thlenga zirna a awm a, kum 2007-a din niin, zirlai 205 an awm mêk.
- Hê sikul chhehvêla chêngte hian kan sikula lo luh vê an duh a. Mahse hmun hmâ hian a dawn sên rih loh avângin zirlai ṭhenkhat chu an chhûngte leh thawktûte inahte an awm a. Lo lût duh zawng zawng pawh lâk sên an ni tih lo.

SABBATH 10-NA

SEPTEMBER 2, 2017

CHHUNGKAW HLIM LEH NUAM

SOUTH EAST INDIA

RANJITH KUMAR, 17

A nû chu mahni a intihlum a, amah lah chu a chhûngten an la hnawtchhuak zui a. Mahse Ranjit-a chuan a naupan têt laia thurâwn a dawn aṭangan beiseina a la nei fan a ni.

RANJITH-a hi chhûngkaw rethei vê taka seilian niin, rilṭâm-tuihâl tawrh châng a ngah vê mai ṭhîn a. Mahse a nû leh pâten in an luah hawh neitu, Adventist pâ hnên aṭanga thurâwn a dawn zârah a nunna chu chhanhim a ni. A thurâwn dawn chu, “Nî tin ṭawngṭaiin, Bible chhiar



la, tichuan Isuan a karuai zêl ang che,” tih a ni.

Chû pa chuan Ranjith-a chu a ngaihsakin, Adventist sikulah a luhtîr a, a zirna sênsote pawh a tumsak thîn a. Mahse Ranjith-an pâwl ngâ a zir kumin, chû pa ngilnei tak chu khaw dangah a insawn ta daih mai sî a, Ranjith-a chu sorkar sikula a luh a ngai ta a ni.

Beisei Lâwk Loh Malsawmna Dang

Tichuan Ranjith-a chuan Adventist Child India zâr zovin, Adventist sikul a luh chhunzawm thei dâwn tih a hre ta hlauh mai a. Hê tanpuitu pâwl hi India rama sikul naupang rethei, mahni zirna sênsô pawh tum thei lote tuâm hlâwmna tûra thawktu pâwl an ni a. Ranjith-a chu a lâwm êm êm a, hetiang malsâwmna a dawn avâng hian amâ nunna chu ba lêt ni hialin a inhria a ni.

Pâwl sarîh a zir laiin, Ranjith-a chu India chhim lama James Memorial Higher Secondary School lamah a insawn a. Chutih lai tak chuan a ni, tûnhma lama amah lo tanpui thîntû thurâwn anga Bible chhiar leh tanngtai a ngawrh tâk viâu ni. Ama sawi dân chuan sikul chu atân chawlh hahdamna hmun ang a ni zâwk mah a, in lamah kha chuan a nû leh pête nêni intihtaurâu châng a tam a ni.

“Hetah hi chuan ka nun hi him hliah hliahin ka hria,” tiin a sawi.

Vânduaina Thleng

Ranjith-a'n pâwl riat a zir laiin vânduainain a tlâkbuak ta hlauh mai a. A nû leh pête chu an inhâu va, a nû thinrim chu mahni a inhâl a, a hliam chu a thihpui ta a ni. Ranjith-a chuan, “Khâ kha ka nuna thil thleng râpthlâk ber a ni. Mahse kei zirlai rethei tak min khawngaihtute zârah sikul lamah chênna ka la nei tho hi ka lâwm a ni,” tiin a sawi.

A nû thih chungchâng a sawi rual chuan, rinawm taka Isuâ rawngbâwl a tum ruh hlê thû pawh a sawi a. Sikul kohhranah chuan a theih leh remchân ang angin a inhmang a, sikul chabi vawngtûahte pawh aţang thîn a ni.

Mahse Ranjith-an a rinna thar nghet taka a vawn tâkah chuan, a chhûngte chuan ngaithei lo vin, an hnawt chhuak a. “Ka pâ huat ka phur a, ka chhûngte dang pawhin chhûngkhat angin min en lo zui ta bawk a. Ka chhûngte hnêna Pathian thû hrilh ka tumte hian, ka hnaihah pawh an awm duh lo va. Min kalsan zêl mai a ni,” tiin a sawi.

A pain nupui dang a neih leh tâkah pheih chuan an chhûngkaw harsatna chu nasa taka belhchhahin a awm a, a nuhrwn chuan a ngaithei lo zual hlê a ni. Chutih lai vêl chuan a lehkha zir lamah pawh nasa takin harsatna a tâwk a, a zirlai chu a tichhe thei ta hlê mai a ni. Thian tharte a chhar a, mahse anni lah chuan chîn ţa lo an chîng a, chûng chu zawm vên, Isua nêna an inkûngkaihna pawh a chhe sâwt ta hlê a ni.

Mahse sikula Thawngţai Hapta hmannaah a inkhâwm vê a, rawn hmanpuitu pastor hnênah a harsatna chu a thlen a. A harsatna zawng zawng chu Pathian hnênah thlenin, an thawngţai dîn a.

Rinna Thar leh Chak

Ranjith-a chuan rinna chu a nei thar leh ta a. Tûnah chuan Ranjith-a pawh chu kum 17 niin, pâwl 11 a zir mêk a ni. Nî tina Bible chhiar leh thawngţai chu a tharthawh leh a, Isua nêna inkûngkaihna nei thar lehin, bapţisma chang tûrin a inbuatsaih mêk bawk a. Amâ sawi dânin, “Ka tân chuan, kan hostel hi in nuâm leh hlimawm tak a ni. Biak in hi ka tâna hmun him awm chhun a ni bawk,” tih a ni.

James Memorial Higher Secondary School hi sikul naupang za têlte tân hmun nuâm leh chawlhna in a ni tak

meuh a ni. Kum eng emawti chhông khân hê sikulah hian zirlai sâng tam tak an lo lût a, Isua chu an tân enge a nih leh, hmangaihtu a nihzia chu an zir chhuak hlawm a. Heta ƣang hian nun thar neiin hlim takin an chhuak leh ƣhîn a ni.

Tùn kuartar Thirteenth Sabbath Thawhlawm hian James Memorial Higher Secondary School-a hmeichhiate chênna tûr sakna a tumsak dâwn a. Tûna an hostel neih hi kum 65 laia upa a ni tawh a, hmeichhe naupang 100 chuang tân inbualna hmun panga chauh a awm a ni. Hmeichhe hostel thar kan neih hunah chuan zirlai tam zâwk lo lûtin, an chênna hmun vêl pawh hrisêl leh nuam zâwk a lo ni dâwn a ni. Hê project hi a lo puitlin ngêi theihna tûrin, in ƣawngƣaina leh thawhlawm lamah pawh in lo hre vê reng dâwn nia.

Bengvârna Thû

- James Memorial Higher Secondary School hi South India lam, Tamil Nadu state chhônga Adventist boarding awmna a ni. Kum 1941-a din niin, tûnah hian Kindergarten aƣanga Pâwl 12 thleng zir theihna a ni. Zirlai 936 awmin, chông zînga 243 chu hostelah an awm.
- Zirlai zâa 80 vêl chu Adventist chhôngkua aƣanga lo kal an nih laiin, Sabbath nî apiang hian baptismal class neiin, sâkhaw pâwl dangte pawh an tel vê tho va, kum tin hian 50-60 vêl baptisma chang ziah ang an ni.
- James Memorial Higher Secondary School-a luh duh hi an la tam mai a, mahse a hmun hmâin a dawng sêng rih sî lo. Tùn kuartar Thirteenth Sabbath Thawhlawm hmanga hmeichhe hostel thar sak ruâhman mêk a ni.

* * *

BO LEH CHHAR

SOUTH EAST INDIA

Sneha, 14

Sneha [SNEH-hah] chu South India lama Seventh-day Adventist boarding school zirlai kum 14 mî a ni. [Mahni chanchin sawi anga sawi tûrin chutiang ruâl vêl chu in ruât dâwn nia.]

KA PA chu sangha-mantu a ni a, ka nû erawh chuan nurse hnâ a thawk thung a. Ka lo pian vê chuan an hlim nû-pâ khawp mai a, mahse ka nâu hmeichhia a lo piang vê tâkah erawh chuan, ka pâ chuan zu ruih a chîng ta mauh mai a ni.

Tûn hma lam ang lo takin, mi dang daih a ni ta ber a. Zu in lo tûra tû zilhna mah a zâwm duh lo. Zân rei takah a lo hâwng a, chhan leh vâng pawh awm lo hian thinrimin a âu vêl a. Ka nû chu mangangin a ãap a ãap ãhîn a, tû mah lah chuan an ãanpui dêr bawk sî lo.

**Fahrah**

Kum 10 mî ka nih kum, ni khat chu ka nûin ka nâu nêh sikula min thlah zo chu inah a hâwng leh a. A hâwn kawngah chuan ka pa, zu rûi lutuk avânga ãawng pawh ãawng hlei thei lo va lo awm chu a hmû a. Ka nû chu a ãawng miah lo va, mahse ka pain ka nû lo kal a hriat tâkah chuan zu leina tûr pawisa pe tûrin a ti a. Ka nû chuan pawisa a neih loh thûin a chhâng a. Ka pa chu a thinrim a, an pahnih chuan an insual chu a ni ta mai a. Ka pa chuan ka nû chu nasa

takin kut a thlâk a. Tû mah lah chuan ka nu chu chhan an tum bawk si lo.

Tichuan ka pa chuan khâwnvârtui lain, ka nû chu a leih a, a hâl zui ta a ni. Ka nû chu nasa takin a kâng a. Tlêma a lo harh chhuah leh deuh hnûin ka pa chuan hospital-ah a hruai a. Mahse a kâng chu a nasat êm avângin doctor chuan a dam khawchhuak zo lo vang tih a hrilh a. Ka pa chu a tlân bo ta daih a. Tûn thleng hian engtin nge a awm tâk zêl tû mahin an hre zui tawh lo.

Ka nau nêh chuan ka nu khawngaihthlâk tak kiangah, hospital-ah chuan kan awm vê ta ngawt a. Ka nû pawh chu a hnû ni 15-ah a thi ta a ni.

Ka nâu nêh chu ka nû thî chu kan ÷ah a. Ka pî chuan min awmpuiin, a theih ang tâwka ÷hâin min enkawl a.

Chharchhuah!

Ni khat chu Seventh-day Adventist pastor hian ka pîte in chu a rawn tlawh a. Keini pawh chu pastor chuan min thlamuân a. Fahrah, enkawltu tûr nû leh pête pawh nei lo kan ni tih a hriatin, James Memorial Higher Secondary School chu min sawi hmuh a. Chuta kan luh vê theih dân tûr kawng min zawnsak a tiam a. Tichuan Adventist Child India aţangin ÷anpuina min hmuhsak ta a ni. [Editor thukhawchâng: *Adventist Child India hi India rama fahrah leh naupang chanhaite ÷anpuitu pâwl a ni.*]

Sikul kan thlen tirh chuan Pathian chungchâng eng mah hriat ka nei lo va. Mahse ÷hian tharte leh zirtîrtûte chuan Pathian chanchinte min hrilhin, Chhandamtu nung a nih thûte min hrilh a. Bible chhiar leh ÷awng÷aite pawh ka ti ÷an vê a.

Tûnah chuan kum 14 ka lo ni ta a, pâwl 10 ka zir mêk a. Ka nâu pawh kum 12 niin pâwl riat a zir vê mêk a. Wawiina

ka nihna dinhmuna min hlâng a, mal min sâwmtu LALPÂ chungah ka lâwm hlê a ni.

Nû leh pa nei lo ni mah ilang, vâna Pâ, A fâte ngaihsak êm êmtu ka nei tih ka hria a. Amah kan rin a, Chhandamtua kan pawm phawt chuan min kalsan ngai dâwn lo a ni.

Kan sikul hi nuâm ka ti khawp mai! Chutih laiin, kan chênna hostel hi chu a hlui vê tawh khawp mai a. Heta hmeichhe hostel lama chêng mi 100 lai tân hian bath-room hi panga chauh a awm a, a tâwk lo khawp mai. Vâneh thlâk takin, tân kuartar Thirteenth Sabbath Thawhlawm hmang hian chûng kan harsatna zawng zawng chu chinfel a ni dâwn tih kan hriatin kan lâwm hlê mai.

Hmeichhe hostel tharah chuan zirlai tam zâwk an awm thei dâwn bawk a. Kei ang bawka dinhmun khirh taka mîte pawh an lo la lût vê ngêi ang, mahse kan Pâ vâna miin min hmangaihzia chu an la zir chhuak vê dâwn tho a ni. Thawhlawmte phal taka in thawh dâwn avângin lâwmthu kan sawi lâwk a ni e.

Bengvârna Thû

- James Memorial Higher Secondary School hi Tamil Nadu state chhûnga awm a ni a, hê state hi mihring bitna leh state changkâng tak a ni.
- Hêng lai ram bial hi ruahtui ringa thlâi chinna ram a ni a, fûr ruahtui a tlâk that loh chuan pachhiat kum a ni mai thîn.

* * *

PA LÊN CHEH TAKIN ISUA A TAWNG

SOUTH EAST INDIA

VAISHALI PAPA, 15

Vaishali hi tleirâwl kum 15 mi niin, South India lama Seventh-day Adventist boarding school pakhata zirlai a ni [Mahnî chanchin sawi anga sawi tûrin chutiang ruâl vêl tleirâwl inruat ni se.]

KA NAUPAN lai thil ka hriat hmasak pâwl tak chu ka pân Krâwng taka ka nû a sawisâ a ka nû ÷ap rî kha a ni a. Chutiang chu thil thleng fo ÷hîn a ni.

Ka pa chu in nasâ a, nî khawpa a pawhîn ka

Kum riat ÷henawma pastor chu lo ÷tan a. Kan

chanchinte chuan Isuan



thlâi zuâr a ni nân, zû a khaw hre mang lo ruih kha ka naupan lai hre zing mai.

mî ka nihin, kan Seventh-day Adventist lêngin, kan inhmêlhriat chhûngkaw tân min ÷awng÷aisakin, Isuâ min hrih a. A sawi dân min chhandamin, kan

phurritte pawh min chhâwk thei a. Thinlung na takte pawh a tihdamsak thei tih a ni.

Chutiang ÷hû chu ka nû nêh chuan ngaihnam kan tihzâwng tak a ni a. Kan pahnih chuan Isua chu kan nuna pawmin, kan sualte min ngaihdamsak tihte pawh kan pawm ta zêl a. Kan chhûngkua chuan Seventh-day Adventist chhûngkua kan zawm ta a ni.

Ka pa thung erawh chuan min zawmpui duh lo tlat a. Zû in zui zêlin, ka nû chung a kutthlâk pawh a bâng duh

chuang lo. Isua thuâwih ka tum tih a hriat pheï chuan a thinrimna chu ka chung a hrithlâ a.

Hlahawm Tlânsan

Ka pâ thinrimna chuan a ða lo zâwngin min nghawng nasa khawp mai a. Ka sikul zirna lamah pawh rilrû ka pe hleithei lo a, thla eng emawti chhûng pheï chu ka pa chu ka bîkbo san hial a.

A tâwpah chuan, ka nû chuan vêng dang hla takah, ka pâ hmuh phâk lohah min hruai ta daih a. Kan pahniha nun thar bulñan a duh a. ðhianta in lamah kan insawn san ta a ni.

Mahse ka pa chuan kan tawm bona chu a rawn zawng chhuak a, min rawn fin ta zâwk hial a nih chû! A châm rei lo va, ni thum emaw chauh a châm a, thil duhawm lo deuh a thleng ta a ni. Kan chênna pâ thil chu ka pa chuan a rûksak a. Zanlaih chhuak bo vin, zu lei nân balñin leh hmanraw dang eng eng emaw a khâi chhuak daih a.

Ka nu chuan ka pâ min hmuh phâk lohna tûr hmun dangah min hruai ðhain a hria a. Hun eng emawti chhûng chu ka pî leh pûte hnênah min awmtîr a. Chutih chhûng chuan South India-a James Memorial Higher Secondary School chanchin chu a hre ta hlah mai a. Chû chu ka tâna luhna tûr hmun ða ber niin a ngai a, chû sikulah chuan lehkha zir tûrin min hruai ta a ni. Chutah chuan ani chuan hmunphiat hnâ a thawk a, tichuan ka zirna sênso chu min tumsak a.

Hê sikul hian ka zirna tûrin nasa takin min ðanpui a. Chû chauh ni lo vin Pathian hriatna neih kawngah leh rilru thlamuâng taka awm kawngah pawh ka sâwtpui hlê bawk a. Tûnah hian tleirâwl kum 15 ka ni a, helai hmuna ka awm thei hi ka lâwm hlê a ni.

Pâ Tâna Tawngtaisakin

Mahse ka pa chu ka theihngihlilh ngai chuang miah lo va. Zu in a bânsan theih nân leh Isuâ hnêna a thinsung a hlan theih nân nî tinin ka tawngtaisak thîn a. Tichuan ni kum khân thil mak deuh mai a lo thleng ta a ni! Ka pa chuan a sualte puângin, a nunkawng sualte a bânsan ta daih a. Zu in leh mî thil rûk bânsanin, baptisma a chang vê ta a. Tûnah chuan Seventh-day Adventist a lo ni ta a ni.

Ka hlimin ka lâwm êm êm a! Zu bâwihah a tâng leh ang tih hlâu vin nî tin ka tawngtaisak zui zêl a. Pathianin ka dîlna min ngaihlhâksak a, ka pa chu mi thar a lo ni ta a ni!

Hmalam awm zêl dân tûr chu ka sawi thei hauh lo nân, tûna chiang taka ka sawi ngam erawh chu: ‘Isua tel lo nun chu chhiatna mai a ni. Amah nêna nun erawh chu hlim leh muânna a ni’ tih hi a ni.

Hê sikul hi nuam ka ti a, hê hmunah hian thalai dangte nêh lehkha leh thil dangte kan zir ho thei a. Helai hmun an lo thlen hian mi thenkhat chu Seventh-day Adventists an ni sâ a, thenkhat erawh chu Kristian pâwl danga mîte an ni bawk a, thenkhat erawh chuan Isua hi tunge tih pawh an la hre lo thung a. Mahse hê hmun kan thlen hian kan khawsa ho vin, kan zir tlâng a, tam tak chuan Isua chu thian bul takah an chhar a. Chû chuan min ti hlim êm êm a ni.

Tûn kuartar Thirteenth Sabbath Thawhlawm hmanh hian James Memorial Higher Secondary School-ah girls hostel sak a ni dâwn a. Tûna hmeichhiate chên mêkna hi a building a hlui tawhin, inbualna pawh panga chauh a awm, chû chu mî 100 laiin kan inhman tawm a ngai a ni. Hostel thar kan neih hunah chuan zirlai tam zâwk kan neih belh bâkah, mi tam takin Isua chu thianah an chhar thei dâwn a ni. Chuvang chuan in tawngtaina leh thawhlawm lamah pawh in lo hre reng dâwn nia.

Bengvârna Thû

- James Memorial Higher Secondary School zirlai zînga 243 chu hostel-ah an chêng a. Mî tam vak lo chênna tûra ruâhmanah hmeichhe naupang 100 vêl an inbeng a ni. Chutih laiin bathroom 5 chauh a la awm lehngâl a, an indaih lo hlê a ni.
- Tûn kuartar Thirteenth Sabbath Thawhlawm hmang hian chutiang harsatna chu chinfel theih beisei a ni.

SABBATH 13-NA

SEPTEMBER 23, 2017


CHONA LEH DINCHANNA

SOUTH WEST INDIA

JANEESH KUMAR, 30

JANEESH-a chu cancer vei enkawl lai a ni a, thla ruk bâk dam tûr pawh a nei tawh lo va, an thenawmte lah chuan a chhan an hriaah an inngai a, chû chu: Seventh-day Adventist a lo nih tâk vâng a ni. Ani chuan Sunday serhtu pastor pawh a hnial ngam tlat thung a ni.

A hnû kum hnihah pawh Janeesh-a chu a la dam a, India chhim lamah an chêng a. Isuâ chanchin a sawi laite chu mîten makti takin an ngaithla thîn a. “Bible-a inziak anga thutak ka hrilh chângte hian, keima nuntawng ngêi aţanga sawi ka nih avângin ngaihnamw ti takin an ngaithla thîn a ni,” tiin kum 30 mi Janeesh-a chuan a sawi.



Janeesh-a hi thingtlâng khuua Kristian biak ina Pathian be thîna seilian a ni a. Tlangvâl a lo nihin seminary-ah a lût vê a. Chuta a zir lai chuan, a Adventist thian pakhat chuan Sabbath zân inkhâwm chhimpui tûrin a sâwm a. Pastor chuan Bible hrilhlawkna chungchâng a sawi a, chû chu ngun taka ngaithlân a lo chhinchhiah zêl a. Zawhna tam tak a zâwt a, chubâkah an seminary zirtîrtu pawh a zawh belh fo bawk a.

Ni sarihna Sabbath chungchâng a hriat tâkah chuan, a dik lohzia finfiah a duh ta a. Seminary zirtîrtu hnênah kal lehin, Sunday nî hi Pathian biakna tûr ni dik tak a nih thû finfiahna pe tûrin a ngên a. Mahse seminary zirtîrtu chuan a lo tanpui thei dêr lo mai a. Tichuan Sabbath nîin Adventist biak inah a inkhâwm leh a, Sunday nîah pawh anmahni biak in lamah chuan a inkhâwm tho bawk a. Eng emawti chen hnûah chuan bapisma chang tûrin thutlûkna a siam a, seminary pawh chu chhuahsanin, Adventist seminary chu a zawm ta zâwk a.

Mission Field Thar

A kum lehah chuan a pân a thihsan a, Janeesh-a chu a nu enkawl tûrin inah a hâwng a. An thenawm leh thianté hnênah a rinna thû chu a hrih thîn a. Amah leh a Adventist thian dangte pawh chuan Pathian thu ziak lehkha chu an khuaah chuan an sem a. Vântirhkoh Pathum Thuchah sawi hona nei tûrin thalai hote chuan ni thum inkhâwm an huaihawt a. Mi tam tak an rawn inkhâwm a, zawhnate pawh an zâwt hlawm a. Sunday serh pâwl pastor-in Janeesh-a leh a thianté chu ‘Nisarihna Sabbath’ chungchâng sawipuih a sâwm a. Pastor leh a Sunday serhpui kohhran membrete chuan Sabbath thuchah chu an pawm ta a ni.

Mahse chû khuaa Kristian dangte chuan an bei lêt vê thung a. Anmahni pualin ni thum inkhâwm an huaihawt a. An pastor thar chu ni sarihna Sabbath sawi chhe tûrin an ruâi vê thung a.

Janeesh-a leh a thianté pawh chu inkhâwm vên, thusawi chu chîk taka ngaithlân, an lo chhinchhiah zêl a. A ni hnunng berah thuhritu chuan mipui zîngah Sunday thianglimna chungchâng rinhlehna emaw hriatthiam loh emaw nei an awm em tih a zâwt a.

Janeesh-a leh a ðhiante chu lo ding chhuakin, hmalam an pan a, ring takin Sabbath chungchâng inziahna Bible chângte chu an chhiar a. Inkhâwm mipuite chuan mak an ti êm êm a, thuhrltu chuan sawi tûr rêng a hre sî lo. Chutiang chungchâng sawi fiah tûra pastor un zâwk sâwmsak a tiam ta ngawt a.

Chutiang inkhâwmna an neih hnû chuan, chû khuua mi tam tak chuan Janeesh-a chu zah takin an en ta a. ðhenkhat pheï chuan Bible zirna an neihpui ta a ni.

Chona Thar

Chutih lai vêl tak chuan a nia Janeesh-a chuan cancer inenkawlna a neih ni. Protestant pastor ðhenkhat leh kohhran member-te chuan ‘Adventist Kohhrana a inpêk vângin Pathianin a hrem a ni,’ an ti a. ðhenkhat pheï chuan ‘Pastor a hnial veia hremna a tuâr a nih hi’ tite pawhin an sawi bawrh bawrh a. An ngaihdân chuan Sunday kalh zâwnga thuhrltu rêng rêng chu Pathianin a hrem zêl ang tih an ring a ni.

Janeesh-a chuan a rinna chelh harsa tih chângte pawh a nei a. Eng emaw chângte chuan a rilrû a beidawngin, Isuâ chanchin pawh chawlhkâr eng emawti chhûng chu a sawi lo zui a. A ðhiante erawh chuan a rinna chu chelh fan fan tûrin an fuih a. Vawi 36 lai chemotherapy a lâ a, chutih chhûng chuan kohhran member-ten ðhahnemngai takin an ðawngðaisak reng a.

Chemotherapy a lâk chhûng chuan Bible zirna neihpui pawh bul a ðan thar leh a. Sunday-serhtu pastorte chuan Sabbath chungchâng zirtîr hi bânsan rawh, a nih loh chuan i natna hi a zual tiâl tiâl mai ang an ti a. Mahse Janeesh-a chuan an thurâwn chu a bengkhawn lo. A ðhiante nên chuan Sabbath chungchâng sawihona nei tûrin thutlûkna an siam ta zâwk a. Chuta ðang chuan tlangvâl pariat laiin baptisma

an chang a. Chutiang chuan an khuua Adventist member chu an lo pung deuh deuh a ni.

Janeesh-a chuan pindan zâu vak lo hi luah hawhin, chutah chuan kêr tin tùm hnih Bible zirpuina a nei thîn a. Mi 20 vêl an thû leng thei a, mi dang lo tel vê duhte chuan pawns lam ațanga an ngaihthlâk mai a ngai thîn a ni.

Thuhretu Nung

Doctor-te chuan Janeesh-a chu a cancer vei a dam tih chu an la puâng hauh lo va. Mahse ‘thla ruk bâk dam tûr a nei tawh lo’ an lo tih kha chu an tvisual Chiang hlê a ni tih an pawm a. Tûnah phei chuan a hrisêl hmêlin, a rilrû pawh a hrisêl bawk a. Janeesh-a leh chû khuua mi tam tak chuan hei hi thilmak a ni e tiin an sawi thîn.

Janeesh-a chuan, “Kei hi Pathianin min enkawl a ni tih entîrna nung ka ni a. Thuhretu nung ka nih angin, mi dangte hnêna thutak hrilh hi a awlsam fû rêng a ni,” tiin a sawi.

Janeesh-ate khuuah chuan Adventistte hi an tam lêm lo nân, an pung vê zêl a. Kêr lohah hê khuuah hian kohhran phûr tak, naupangte tâna zirna hmun th̄a tak, Sâptawng leh Pathian hmangaihna thû an zir theihna tûr sikul a din thuai beisei a ni.

Janeesh-ate kua ațanga minit 90 vêl kal ngaiiah Adventist sikul a awm a, chû chuan tûn kuartar Thirteenth Sabbath Thawhlawm hmangin classroom an sak belh dawn a. Chutiang a nih hunah chuan hêng lai vêla chhôngkua leh naupangte chuan a zâr an zo thei dawn a ni.

Bengvârna Thû

- Vellarada Adventist High School hi India chhim tâwp, Kerala State-a awm a ni a, chutah chuan Kindergarten ațanga pawl 10 thlenga zirna a awm.
- Hê sikul hi kum 1982-a din niin, zirlai 300 an awm a, a tam zâwk chu Kristian an ni.

- Classroom thar sak a nih chuan sorkar ngiat ang dinhmunah an lo ding thei dâwn a ni.

SABBATH 14-NA

SEPTEMBER 30, 2017

THIRTEENTH SABBATH PROGRAM

- Welcome : Superintendent or remchâng dang pawh
- Ṭanna Hlâ : "Kâwlkil Thlenga Buh Awmte," *A H.*, No. 197
- Ṭawngṭai : [*Ṭawngṭai tûr inruat lâwk ni se*]
- Thupui : "Hmalam Hun Chu Tûnah"
- Thawhlawm : [*Thawhlawm khawn laiin Naupang lamte chu "Isuan min hmangaih ka hria" tih kha India ram ṭawng dang dang pawha saktîr ni se.*]
- Khârna Hlâ : "Lal Isuâ Thinlung Chuan" *A H.*, No. 333
- Ṭawngṭai : [*Hetah hian kan project hlawhtlinna tûr dîlpuitu tûr mi fel tak inruat ni se.*]

Changtûte: Sawitu tûr mi pathum leh a sawifiahtu tûr awm se, chûng zîngah chuan tleirâwl pakhat tel thei bawk se duhthusâm a ni. In kohhran a têt a, member in indaih loh deuh chuan a sawitu tûr hi intihchhâwk theih pawh a ni tho ang. [Changtû tûrte hian mahnî chanvo hi ngun taka lo en lâwk ni sela, a thûte pawh hi a ziaik en lova, mahnî chanchin sawi ang maia sawi theih tum ni se, tichuan a lo ngaithlatu mipuite pawh a hneh lehzual ang.]

Sawifiahtu: Southern Asia Division hian hêng ram: Bhutan, India, Nepal leh Maldives bâkah Bay of Bengal leh Arabian Sea leh Indian Ocean-a thliâr-kâr tam tak a huâm tel a ni. Kan chênna India ram hi hê division chhûnga mihring tamna ber niin, mihring tlûklehdingâwn 1.2 chuâng deuh kan awm a. Khawvêla mihring tam berna ram pahnihna kan ni. India rama mihring zâa 80 dâwn hi Hindu sâkhaw

vuantute an ni a, Muslim hi zâa 13 vêl niin, Kristian pâwl hrang hrang inbelh khâwm hi a pathumna niin, chû chu zâa 2.3 vêl a ni bawk. Seventh-day Adventist Kohhran member hi maktaduaih 1.6 vêl kan ni a, chû chu a ram mihring 870 zêla Adventist pakhat awm ang vêl a ni bawk.

Kum 100 vêl kal ta khân, Adventist education hian rawngbâwl na tûr lungphûm a lo phûm tawh a. Ram puma kan sikulte hian fak an hlawh a, thiamna neih duhin Kristian pâwl danga mîte pawhin an fâte chu kan sikulah an rawn luhtîr thîn a. Chutianga fâte rawn luhtîr tawh nû leh pête chuan an chhûngte leh thiante pawh chu kan sikula an fâte luhtîr vê tûrin an sâwm chhâwng zêl bawk a. Hetianga kan sikula an lo luh a, Pathian hmangaihna thûte an han hriat hian anmahni leh an chhûngkuaah danglamna eng emaw tak a thleng zêl thîn a ni.

Reporter 1: Alisha-i hi Kristian ni lo chhûngkuaa seilian a ni a. A nû leh pâten India rama kan Adventist boarding sikul lian tak pakhata an luhtîr dâwn khân, a luhna tûr sikul chu Kristian sikul a ni tih pawh an hre lêm lo. Alisha-i chuan Isuâ chanchin hriatna eng mah nei lo vin sikul a lo lût vê râwih a. Class-rooma inzirtîrna ber, English pawh a thiam lo va, mahse zâwi zâwiin a lo hrethiam chho vê hret hret zêl a.

A tîrah chuan, an hostel-a Pathian biakna (worship) an neih thîn awmzia pawh chu a hre chuang lo va. Mahse tlêm tlêmin hmâ a sâwn zêl a, Isuâ chanchinte hriain, a lo ngaina chho deuh deuh a. Pathian chibaibûkna neih chu an sikul thara thil pawimawh tak a ni tihte pawh a hre ta zêl bawk a.

A thiante nêh pawh Pathian lam thil hi tîtîna thupuih an hmang ta fo va. Mahse Alisha-i chuan Kristiana a inpêk chuan a chhûngten an hnawt chhuak mai ang tih a hlâuthâwng hlê thung a. Mahse chuti chung chuan, a thian nû

pakhat nêñ Isuâ tâna ding tûra inpêin, bap̄tisma an chang dôn ta tho a ni.

Sikul chawlh̄te a lo nih chuan hmeichhe hote chu in lamah an hâwng a, Pathian thûa inkâwm khâwmin, Bible thû an chhiarte chu an sawi tlâng a. Mahse an chhûngten an thil sawi an hria anga, an huâ ang tih hlâuv̄in, Sâp̄tawng hlîrin chutiang chu an sawi a. Alisha-i chuan a Bible chu a chhûngten an hmû ang a, an huâ ang tih hlâu vin, f̄imkhur takin a thukru th̄in a.

Alisha-i chuan Kristiana a inpêk avâng chuan harsatna leh chona lian tak a la hmachhawn a ngai dâwn ngêi a ni tih a hria a. Mahse chutiangah pawh chuan Pathianin a hmâ a hruaisak zêl ang tih pawh a hre tho a ni. Pathian nung leh A Fapa hlu tak Isua an hriat theihna tûr sikula kal theihna remchâng A siamsak avângin, a th̄iante nêñ chuan Pathian hruaina chungah lâwmthû an sawi th̄in a ni.

Sawifiahtu: Adventist zirlaite hian an zirlai pui, an th̄iante hnêna an rinna chungchâng hrilh chhâwng tûrin remchâna tam tak an nei a. Eng emaw chângte phei chuan mimal takin tawngkâin an hrilh malh malh th̄in a, a tam zâwkah chuan an nunchang leh khawsak phung hmangin an hriattîr bawk a. Tûnhnai deuh lawk khân zirlai th̄enkhat chuan Adventist sikula an zir chungin, Sabbath chungchângah chona an hmachhawn a. An rinawm tlatna zârah zirlai dangte pawhin Pathian chu tawngt̄aina chhângtu A nihzia ataka hriatna an neih phah vê ta a ni.

Reporter 2: Jincy [JIN-see] te, Cibin [see-BEEN] te, leh Remya [REM-yah] te hi South India lama kan sikula zirlaite an ni a. Pâwl sâwm an zir zawh dâwn exam hnuhnungah hian sorkar buatsaih exam an ziah a ngai th̄in a ni.

Sorkarin exam nî tûra a ruat chu Sabbath-ah a tla tlat mai sî, principal chuan theih tâwp chhuahin, ni danga examtîr theih dân tûr kawng a zawng char char a. Mahse beisei a bo khawp mai. Chutih lai chuan chûng zirlai rinawm pathumte chuan ‘Sabbath bawhchhiaa exam ziah âi chuan, kan su nawn leh mai ang,’ tiin Sabbath bawhchhiaa Pathian leh kohhran tih hmingchhiat an duh lo va. Chûng zirlai rinawmte thlavâng hauh nân Principal chu court-ah a kal a, a tâwpah rorêltu chuan Sabbath ral huna exam an neih vê chu a phalsak thei ta a ni.

Exam nî a lo thlen chuan, Adventist ni vê lo zirlai dang zawng chu exam ziak tûrin an kal diâl a, mahse Jincy, Cibin, leh Remya-te erawh chu biak inah an inkhâwm thung a. Inkhâwm bân hnû chuan an pathumin exam supervisor hnênah an inreport a. Ani chuan exam lo ziaktû dangte nê eng mah inbiakna an neih theih loh nân classroom pakhat a khung hrang a. An pathum chuan chawhnu hun chu Pathian fakna hla sak ho nân, ƣawngƣai leh Bible chhiar nân an hmang a. An zînga pakhat pheih chuan, “Sabbath ka hman vê tawh zawng zawnga hun hlimawm leh nuam ber niin ka hria. Pathian chênchilhna kan dawng a, kan bul ngêiah min awmpui tih kan hria a ni,” a ti hial a ni.

Tichuan tlâi ni a tlâk hnû chan, zirlai pathumte chu exam hall-ah lûtin an ƣu vê ta a. Hêng zirlaite hi hah leh châu âwm tak chu an ni nân, exam an han zawh thleng pawh chuan an zâng khâiin, an rilru a harh ƣa êm êm tho mai a ni.

A tâwpa exam result a lo chhuah chuan, chûng zirlai rinawm tak takte chuan an hmâa exam lo ziak mi dang zawng âiin an ti ƣa zâwk tih an inhre thei a. An rinawmna chu Pathianin mal A sâwmsak tih pawh an hria a ni.

Tuâlchhûng chanchin bûah chuan chûng zirlai rinawm takte chanchin leh, rinawm taka Sabbath serh a, Pathianin

Sabbath vawng thianghlim tûra A thupêk an bawhchhiat duh loh thûte chu an chhuah chuai chuai a. Mi tam tak chuan Sabbath pawimawhna chu eng tak chu nge ni tia an zawh châng pawhin, chûng zirlai rinawmte chuan Sabbath serh malsâwmna bîk chungchâng chu fiah takin an sawi thei ta a ni.

Remya chuan, “Ka nû leh pête hian Sabbath vawng thianghlim tlat tûra thutlûkna ka siam hi min thlâwp tlat a. Exam ziah chhûng pawha min lo ÷awngtaisak an intiam bawk a. Chumi zârah chuan kan zâ hian kan tiṭha ta zêk a, Pathian chu châwimâwiin a awm a ni,” tiin a sawi. Hê sikul hian sorkar program an kalpui theih nân an ram chhûngah sikul class-room sak belh zâi an rêl a, zirlaite pawh an ngah sawt bawk dâwn a ni. Chutiang a nih chuan mahnî hmunah exam neiin, Sabbath chungchângah zirlaiten harsatna an pumpelth thei dâwn a ni.

Vawiina Thirteenth Sabbath Thawhlawm kan lâk khâwm tûr ÷henkhat hi chû class-room sak nân chuan a kal dâwn a, ÷hahnem ngai taka thawhlawmte kan thawh chuan, heta lo lût zirlaite chuan Isua chu pathian tam tak zînga pakhat ni mai lo vin, Pathian dik *awm chhun* a ni zâwk tih an hre thei dâwn a ni.

Sawifiahtu: Southern Asia Division chhûnga pâwn lam rawngbâwlna hian chak takin hmâ a sâwn zêl a, chuta tân chuan kan sikulte hi an pawimawh êm êm a ni. Mimir rawngbâwlna tûr leh Division-a department hrang hrangte hmalâkna tûr tihpuitlin nâna training inpêkna tûr hi hê Division chhûngah hian training center a la awm lo va, chû chu kan mamawh tlâng hlê a ni. Chû tlâkchhamna phuhrûk nân chuan Central India lamah Pioneer Memorial Training Center leh Conference Center din tum a ni ta a ni. Heta tâna sênso tûr sum chu wawiina kan thawhlawm hian a

tumsak dâwn a, a lo puitlin hunah chuan Division department hrang hrang tân awlsam takin training koh theih a ni tawh dâwn a ni.

Khawvêl pum puia mi chi hrang hrangten Isuâ chanchin an hriat theihna tûra sênso chu kêr tina kan thawhlawm thawh hian a tum tîn a, hetianga tih ni lo ta se chuan, engti kawng mahin an hre thei lo hiâl ang. Vawiina Thirteenth Sabbath thawhlawm kan thawh tûr hi, keini Southern Asia Division chhûnga mîte ngêi hian a zâr kan zo dâwn a ni.

Hêng thawhlawm hmang hian Adventist sikul pahniha hostel leh sikul dang pahniha class-room sak a ni ang a, tichuan mi tam zâwkin Pathian hmangaihna chanchin an lo hre thei ang. Chûng bâkah chuan Division pum huapa tângkaipui tûr Training Center, Conference center ni nghâl bawk tûr chu din a ni dâwn bawk a. Kan zân theihpatâwp chhuah tâng theuh ila, phal takin kan thawhlawmte i thawh theuh ang u.

[Thawhlawm]

Southern Asia Division



Published and edited in Mizo by Malsawma Tochwawng, Director, Sabbath School & Personal Ministries Department, Mizo Conference of Seventh-day Adventists, Box-097, Aizawl, Mizoram, INDIA- 796001, on behalf of General Conference of Seventh-day Adventists. Printed by Lalhmangaiha at Remnant Press, Aizawl. Copy-480.